

選
撰
本
願
念
仏
集

〈凡例〉

(一) 本漢文は、「土川本」(昭和十二年版・土川勸学宗学興隆会)を底本とし、「義山校訂本」(元禄九年刊・大正大学所蔵)を対校本として参照した。

(二) 漢字表記は、底本に使用されている文字を尊重したが、古・略・異体字については、通行の字体に改めた。

(三) 返り点、送りがな、ルビの表記も、底本の体裁をできるだけだけとどめた。しかし、底本上の割
刷の誤りなどは、対校本を参照して改めた。

新雕選擇本願念佛集序

兵部卿三位平基親作云々

夫以專稱南謨之教門者直至西刹之要路也不但釋迦金口之宣亦爲彌陀素意之願二日三日執持名號之證諸佛舒舌十聲一聲必得往生之義吾等銘肝爰空上人有軸文集之書號選擇本願念佛集祕密壇行人凝卽身之觀故可閣之大小乘學者愛隨心之法故難握之於念佛衆生者誰不歸哉因茲雖知埋壁之誠還貽雕板之印於戲玄元聖祖五千言令尹早著上下之典本願選擇數十張門徒將得摺寫之益思德之志古今惟同者歟于時辛未之歲建子之月聊勒意樹遙傳來葉云爾

選擇本願念佛集

南無阿彌陀佛

往生之業、念佛爲先、

〔第一 聖道淨土二門篇〕

道綽禪師立聖道淨土二門而捨聖道正歸淨土之文
安樂集上云問曰一切衆生皆有佛性遠劫以來應值多佛何因至
今仍自輪迴生死不出火宅答曰依大乘聖教良由不得二種勝法
以排生死是以不出火宅何者爲二一謂聖道二謂往生淨土其聖
道一種今時難證一由去大聖遙遠二由理深解微是故大集月藏
經云我末法時中億億衆生起修行修道未有一人得者當今末法現
是五濁惡世唯有淨土一門可通入路是故大經云若有衆生縱令
一生造惡臨命終時十念相續稱我名字若不生者不取正覺又復

一切衆生都不自量。若據大乘眞如實相第一義空。曾未措心。若論小乘。修入見諦修道。乃至那含羅漢。斷五下。除五上。無問道俗。未有其分。縱有人天果報。皆爲五戒十善。能招此報。然持得者甚希。若論起惡造罪。何異暴風駛雨。是以諸佛大慈勸歸淨土。縱使一形造惡。但能繫意專精。常能念佛。一切諸障自然消除。定得往生。何不思議。都無去心也。

私云竊計夫立教多少。隨宗不同。且如有相宗立三時教。而判一代聖教。所謂有空。中是也。如無相宗立二藏教。以判一代聖教。所謂菩薩藏。聲聞藏是也。如華嚴宗立五教。而攝一切佛教。所謂小乘教。始教。終教。頓教。圓教是也。如法華宗立四教。五味。以攝一切佛教。四教者。所謂藏通別圓是也。五味者。所謂乳酪生熟醍醐是也。如眞言宗立二教。而攝一切所謂顯教密教是也。今此淨土宗

者若依道綽禪師意立二門而攝一切所謂聖道門淨土門是也
問曰夫立宗名本在華嚴天台等八宗九宗未聞於淨土之家立
其宗名然今號淨土宗有何證據也答曰淨土宗名其證非一元
曉遊心安樂道云淨土宗意本爲凡夫兼爲聖人又慈恩西方要
決云依此一宗又迦才淨土論云此之一宗竊爲要路其證如此
不足疑端但諸宗立教正非今意且就淨土宗略明二門者一者
聖道門二者淨土門初聖道門者就之有二一者大乘二者小乘
就大乘中雖有顯密權實等不同今此集意唯存顯大及以權大
故當歷劫迂迴之行准之思之應存密大及以實大然則今眞言
佛心天台華嚴三論法相地論攝論此等八家之意正在此也應
知次小乘者總是小乘經律論之中所明聲聞緣覺斷惑證理入
聖得果之道也准上思之亦可攝俱舍成實諸部律宗而已凡此

聖道門大意者不論大乘及以小乘於此娑婆世界之中修四乘道得四乘果也四乘者三乘之外加佛乘次往生淨土門者就此有二者正明往生淨土之教二者傍明往生淨土之教初正明往生淨土之教者謂三經一論是也三經者一無量壽經二觀無量壽經三阿彌陀經也一論者天親往生論是也或指此三經號淨土三部經也問曰三部經名亦有其例乎答曰三部經名其例非一者法華三部謂無量義經法華經普賢觀經是也二者大日三部謂大日經金剛頂經蘇悉地經是也三者鎮護國家三部謂法華經仁王經金光明經是也四者彌勒三部謂上生經下生經成佛經是也今者唯是彌陀三部故名淨土三部經也彌陀三部者是淨土正依經也次傍明往生淨土之教者華嚴法華隨求尊勝等明諸往生淨土之諸經是也又起信論寶性論十住毘婆

沙論攝大乘論等明諸往生淨土之諸論是也凡此集中立聖道
淨土二門意者爲令捨聖道入淨土門也就此有二由一由去大
聖遙遠二由理深解微此宗之中立二門者獨非道綽曇鸞天台
迦才慈恩等諸師皆有此意且曇鸞法師往生論註云謹案龍樹
菩薩十住毘婆沙云菩薩求阿毘跋致有二種道一者難行道二
者易行道難行道者謂於五濁之世於無佛時求阿毘跋致爲難
此難乃有多途粗言五三以示義意一者外道相善亂菩薩法二
者聲聞自利障大慈悲三者無顧惡人破他勝德四者顛倒善果
能壞梵行五者唯是自力無他力持如斯等事觸目皆是譬如陸
路步行則苦易行道者謂但以信佛因緣願生淨土乘佛願力便
得往生彼清淨土佛力住持卽入大乘正定之聚正定卽是阿毘
跋致譬如水路乘船則樂上此中難行道者卽是聖道門也易行

道者トハ卽是淨土門也難行易行聖道淨土其言雖異其意是同天台迦才同之應知又西方要決云仰惟釋迦啓運弘益有緣教闡隨方竝霑法潤親逢聖化道悟三乘福薄因疎勸歸淨土作斯業者專念彌陀一切善根迴生彼國彌陀本願誓度娑婆上盡現生一形下至臨終十念俱能決定皆得往生上曰又同後序云夫以生居像季去聖遙道預三乘無方契悟人天兩位躁動不安智博情弘能堪久處也若識癡行淺恐溺幽途必須遠跡娑婆栖心淨域上曰此中三乘者卽是聖道門意也淨土者卽是淨土門意也三乘淨土聖道淨土其名雖異其意亦同淨土宗學者先須知此旨設雖先學聖道門人若於淨土門有其志者須棄聖道歸於淨土上例如彼曇鸞法師捨四論講說一向歸淨土道綽禪師閣涅槃廣業偏弘西方行上古賢哲猶以如此末代愚魯寧不遵之哉問曰

聖道家諸宗各有師資相承謂如天台宗者慧文南岳天台章安
智威慧威玄朗湛然次第相承如眞言宗者大日如來金剛薩埵
龍樹龍智金智不空次第相承自餘諸宗又各有相承血脈而今
所言淨土宗有師資相承血脈譜乎答曰如聖道家血脈淨土宗
亦有血脈但於淨土一宗諸家亦不同所謂廬山慧遠法師慈愍
三藏道綽善導等是也今且依道綽善導之一家論師資相承血
脈者此亦有兩說一者菩提流支三藏慧寵法師道場法師曇鸞
法師大海禪師法上法師安樂集二已上出唐者菩提流支三藏曇鸞法師道
綽禪師善導禪師懷感法師少康法師宋兩傳已上出唐

〔第二 捨雜行歸正行篇〕

善導和尚立正雜二行捨雜行歸正行之文
觀經疏第四云就行立信者然行有二種一者正行二者雜行言正

行者專依往生經行行者是名正行何者是也一心專讀誦此觀經
彌陀經無量壽經等一心專注思想觀察憶念彼國二報莊嚴若禮
卽一心專禮彼佛若口稱卽一心專稱彼佛若讚歎供養卽一心專
讚歎供養是名爲正又就此正中復有二種一者一心專念彌陀名
號行住坐臥不問時節久近念念不捨者是名正定之業順彼佛願
故若依禮誦等卽名爲助業除此正助二行已外自餘諸善悉名雜
行若修前正助二行心常親近憶念不斷名爲無間也若行後雜行
卽心常間斷雖可迴向得生衆名疎雜之行也

私云就此文有二意一明往生行相二判二行得失初明往生行
相者依善導和尚意往生行雖多大分爲二一正行二雜行初正
行者付之有開合二義初開爲五種後合爲二種初開爲五種者
一讀誦正行二觀察正行三禮拜正行四稱名正行五讚歎供養

正行也第一讀誦正行者專讀誦觀經等也卽文云一心專讀誦
此觀經彌陀經無量壽經等是也第二觀察正行者專觀察彼國
依正二報也卽文云一心專注思想觀察憶念彼國二報莊嚴是
也第三禮拜正行者專禮彌陀也卽文云若禮卽一心專禮彼佛
是也第四稱名正行者專稱彌陀名號也卽文云若口稱卽一心
專稱彼佛是也第五讚歎供養正行者專讚歎供養彌陀也卽文
云若讚歎供養卽一心專讚歎供養是名爲正是也若開讚歎與
供養而爲二者可名六種正行也今依合義故云五種次合爲二
種者一者正業二者助業初正業者以至上五種之中第四稱名爲
正定之業卽文云一心專念彌陀名號行住坐臥不問時節久近
念念不捨者是名正定之業順彼佛願故是也次助業者除第四
口稱之外以讀誦等四種而爲助業卽文云若依禮誦等卽名爲

助業是也問曰何故五種之中獨以稱名念佛爲正定業乎答曰
順彼佛願故意云稱名念佛是彼佛本願行也故修之者乘彼佛
願必得往生也其佛本願義至下可知次雜行者卽文云除此
正助二行已外自餘諸善悉名雜行是也意云雜行無量不遑具
述但今且翻對五種正行以明五種雜行也一讀誦雜行二觀察
雜行三禮拜雜行四稱名雜行五讚歎供養雜行也第一讀誦雜
行者除上觀經等往生淨土經已外於大小乘顯密諸經受持讀
誦悉名讀誦雜行第二觀察雜行者除上極樂依正已外大小顯
密事理觀行皆悉名觀察雜行第三禮拜雜行者除上禮拜彌陀
已外於一切諸餘佛菩薩等及諸世天等禮拜恭敬悉名禮拜雜
行第四稱名雜行者除上稱彌陀名號已外稱自餘一切佛菩薩
等及諸世天等名號悉名稱名雜行第五讚歎供養雜行者除上

彌陀佛_ヲ已_レ外_ヲ於_テ一切_ノ諸餘_ノ佛菩薩等_ヲ及_ヒ諸_ノ世天等_ノ讚歎_ヲ供養_ヲ雜行_ト此_ノ外_ニ亦有_リ布施_・持戒等_ノ無量_ノ之行_ハ皆可_シ攝_ス盡_ス雜行_ノ之言_ニ次_ニ判_セ二_ノ行_ノ得_テ失_テ者_ヲ若_シ修_ム前_ノ正助_ノ二_ノ行_ヲ心_ニ常_ニ親_シ近_シ憶_シ念_シ不_レ斷_ス名_ヲ爲_ス無_ト間_ト也_ト若_シ行_ハ後_ノ雜行_ヲ卽_チ心_ニ常_ニ間_ス斷_ト雖_レ可_シ迴_シ向_シ得_テ生_{コト}衆_ノ名_ヲ疎_ク雜_ク之_ト行_ト卽_チ其_ノ文_{ナリ}也_ト案_ス此_ノ文_ノ意_ヲ就_テ正_ニ雜_ニ二_ノ行_ノ有_リ五_ノ番_ノ相_ニ對_シ一_ニ親_ニ疎_ニ對_シ二_ニ近_ニ遠_ニ對_シ三_ニ有_リ間_無間_對四_ニ迴_向不_レ迴_向對_シ五_ニ純_ニ雜_ニ對_シ也_ト第一_ニ親_ニ疎_ニ對_シ者_ヲ先_ツ親_ト者_ヲ修_ス正_ニ助_ニ二_ノ行_ヲ者_ヲ於_テ阿_彌陀_佛甚_ク以_テ爲_ス親_ニ昵_ト故_ニ疏_ク上_ノ文_ニ云_ク衆_ノ生_起行_ヲ口_ニ常_ニ稱_ス佛_佛卽_チ聞_ク之_ヲ身_ニ常_ニ禮_ス敬_ス佛_佛卽_チ見_ク之_ヲ心_ニ常_ニ念_ス佛_佛卽_チ知_ク之_ヲ衆_ノ生_憶念_ス佛_佛者_ヲ佛_亦憶_ス念_ス衆_ノ生_{彼此}三_ノ業_不相_レ捨_レ離_ス故_ニ名_ヲ親_ニ緣_ト也_ト次_ニ疎_ク者_ヲ雜_ク行_{ナリ}也_ト衆_ノ生_不稱_ス佛_佛卽_チ不_レ聞_ク之_ヲ身_ニ不_レ禮_ス佛_佛卽_チ不_レ見_ク之_ヲ心_ニ不_レ念_ス佛_佛卽_チ不_レ知_ク之_ヲ衆_ノ生_不憶_ス念_ス佛_佛者_ヲ佛_不憶_ス念_ス衆_ノ生_{彼此}三_ノ業_常捨_レ離_ス故_ニ名_ヲ疎_ク行_{ナリ}也_ト第二_ニ近_ニ遠_ニ對_シ者_ヲ先_ツ近_ニ者_ヲ修_ス正_ニ助

二行者於阿彌陀佛甚以爲隣近故疏上文云衆生願見佛佛即
應念現在目前故名近緣也次遠者雜行也衆生不願見佛佛即
不應念不現目前故名遠也但親近義是雖似一善導之意分而
爲二其旨見疏文故今所引釋也第三無間有間對者先無間者
修正助二行者於彌陀佛憶念不間斷故云名爲無間是也次有
間者修雜行者於彌陀佛憶念常間斷故云心常間斷是也第四
不迴向迴向對者修正助二行者縱令別不用迴向自然成往生
業故疏上文云今此觀經中十聲稱佛卽有十願十行具足云何
具足言南無者卽是歸命亦是發願迴向之義言阿彌陀佛者卽
是其行以斯義故必得往生上已次迴向者修雜行者必用迴向
之時成往生之因若不用迴向之時不成往生之因故曰雖可
迴向得生是也第五純雜對者先純者修正助二行者純是極樂

之行也。次雜者是純非極樂之行。通於人天及三乘。亦通於十方淨土。故云雜也。然者西方行者須捨雜行。修正行也。問曰。此純雜義於經論中有其證據乎。答曰。於大小乘經律論之中立純雜二門。其例非一大乘。即於八藏之中而立雜藏。當知七藏是純一藏。是雜小乘。即於四含之中而立雜含。當知三含是純一含。是雜律。即立二十犍度。以明戒行。其中前十九是純後。一是雜犍度也。論則立八犍度。明諸法性相。前七犍度是純後。一是雜犍度也。賢聖集中。唐宋兩傳立十科法。明高僧行德。其中前九是純後。一是雜科也。乃至大乘法章有五聚法門。前四聚是純後。一是雜聚也。亦非顯教密教之中有純雜法。謂山家佛法血脈譜云。一胎藏界曼陀羅血脈譜一首。二金剛界曼陀羅血脈譜一首。三雜曼陀羅血脈譜一首。前二首是純後。一首是雜。純雜之義雖多。今略舉小分。

而已當知純雜之義隨法不定因茲今善導和尚意且於淨土行論純雜也此純雜義不局內典外典之中其例甚多恐繁不出矣但於往生行而分二行不限善導一師若依道綽禪師意者往生行雖多束而爲二一謂念佛往生二謂萬行往生若依懷感禪師意往生行雖多束而爲二一謂念佛往生二謂諸行往生惠心同之如是三師各立二行攝往生行甚得其旨自餘諸師不然行者應思之

往生禮讚云若能如上念念相續畢命爲期者十卽十生百卽百生何以故無外雜緣得正念故與佛本願得相應故不違教故隨順佛語故若欲捨專修雜業者百時希得一二千時希得五三何以故乃由雜緣亂動失正念故與佛本願不相應故與教相違故不順佛語故係念不相續故憶想間斷故迴願不慙重眞實故貪瞋諸見煩

惱來間斷故無有慚愧懺悔心故又不相續念報彼佛恩故心生輕
慢雖作業行常與名利相應故人我自覆不親近同行善知識故樂
近雜緣自障障他往生正行故何以故余比日自見聞諸方道俗解
行不同專雜有異但使專意作者十卽十生修雜不至心者千中無
一此二行得失如前已辨仰願一切往生人等善自思量已能今身
願生彼國者行住坐臥必須勵心剋己晝夜莫廢畢命爲期上在一
形似如少苦前念命終後念卽生彼國長時永劫常受無爲法樂乃
至成佛不經生死豈非快哉應知

私云見此文彌須捨雜修專豈捨百卽百生專修正行堅執千中
無一雜修雜行乎行者能思量之

〔第三 念佛往生本願篇〕

彌陀如來不以餘行爲往生本願唯以念佛爲往生本

願之文

無量壽經上云設我得佛十方衆生至心信樂欲生我國乃至十念若不生者不取正覺

觀念法門引上文云若我成佛十方衆生願生我國稱我名字下至十聲乘我願力若不生者不取正覺

往生禮讚同引上文云若我成佛十方衆生稱我名號下至十聲若不生者不取正覺彼佛今現在世成佛當知本誓重願不虛衆生

稱念必得往生

私云一切諸佛各有總別二種之願總者四弘誓願是也別者如釋迦五百大願藥師十二上願等是也今此四十八願者是彌陀別願也問曰彌陀如來於何時何佛所發此願乎答曰壽經云佛告阿難乃往過去久遠無量不可思議無央數劫錠光如來興

出於世教化度脫無量衆生皆令得道乃取滅度次有如來名
 曰光遠乃次名處世如此諸佛五十三佛也皆悉已過爾時次有佛名世
 自在王如來時有國王聞佛說法心懷悅豫尋發無上正眞道意
 棄國捐王行作沙門號曰法藏高才勇哲與世超異詣世自在王
 如來所乃至於是世自在王佛卽爲廣說二百一十億諸佛刹土天
 人之善惡國土之麤妙應其心願悉現與之時彼比丘聞佛所說
 嚴淨國土皆悉覩見超發無上殊勝之願其心寂靜志無所著一
 切世間無能及者具足五劫思惟攝取莊嚴佛國清淨之行阿難
 白佛彼佛國土壽量幾何佛言其佛壽命四十二劫時法藏比丘
 攝取二百一十億諸佛妙土清淨之行已大阿彌陀經云其佛卽
 選擇二百一十億佛國土中諸天人民之善惡國土之好醜爲選
 擇心中所欲願樓夷互羅佛此云世自在王佛說經畢曇摩迦此云法藏便一其

心卽得天眼徹視悉自見二百一十億諸佛國土中諸天人民之善惡國土之好醜卽選擇心中所願便結得是廿四願經平等覺經亦復同之此中選擇者卽是取捨義也謂於二百一十億諸佛淨土中捨入天之惡取入天之善捨國土之醜取國土之好也大阿彌陀經選擇義如是雙卷經意亦有選擇義謂云攝取二百一十億諸佛妙土清淨之行是也選擇與攝取其言雖異其意是同然者捨不清淨行取清淨之行也上天人之善惡國土之麤妙其義亦然准之應知夫約四十八願一往各論選擇攝取之義者第一無三惡趣願者於所覩見之二百一十億土中或有有_下三惡趣之國土或有_下無_三惡趣之國土卽選擇捨其有_三惡趣麤惡國土選取其無_三惡趣善妙國土故云選擇也第二不更惡趣願者於彼諸佛土中或有_下縱雖_三國中無_三惡道其國人天壽終之後從其國去復更_三惡

趣_レ之_上土_ハ或有_下不_レ更_ラ惡_道之_上土_チ卽_下選_テ捨_テ其_ル更_レ惡_道麤_惡國_土選_取其_ル不_レ更_ラ惡_道善_妙國_土故_云選_擇也_第三_悉皆_金色_願者_於彼_諸佛_土中_或有_一土_之中_有黃_白二_類人_天之_國土_或有_純黃_金色_之國_土卽_選捨_黃白_二類_麤惡_國土_選取_黃金_一色_善妙_國土_故云_選擇_也第_四無_有好_醜願_者於_彼諸_佛土_中或_有人_天形_色好_醜不同_之國_土或_有形_色一_類無_有好_醜之_國土_卽選_捨好_醜不同_麤惡_國土_選取_無有_好醜_善妙_國土_故云_選擇_也乃_至第_十八_念佛_往生_願者_於彼_諸佛_土中_或有_以布_施爲_往生_行之_土或_有以_持戒_爲往_生行_之土_或有_以忍_辱爲_往生_行之_土或_有以_精進_爲往_生行_之土_或有_以禪_定爲_往生_行之_土或_有以_般若_爲往_生行_之土_或有_以菩_提心_爲往_生行_之土_或有_以六_念爲_往生_行之_土或_有以_持經_爲往_生行_之土_或有_以持_呪爲_往生_行之_土

或有^レ以^テ起^リ立^テ塔^ヲ像^ヲ飯^ヲ食^ヲ沙^ヲ門^ヲ及^テ以^テ孝^ヲ養^フ父^ヲ母^ヲ奉^ス事^ヲ師^ヲ長^ヲ等^ヲ種^々種^々之^ヲ
行^ヲ各^々爲^ス往^ル生^ル行^ト之^ヲ國^ノ土^ノ等^ヲ或^ハ有^リ專^ラ稱^シ其^ノ國^ノ佛^ノ名^ヲ爲^ス往^ル生^ル行^ト之^ヲ土^ノ如^ク
此^ヲ以^テ一^ヲ行^ヲ配^ス一^ノ佛^ノ土^ノ者^ニ是^レ且^ク一^ヲ往^ル之^ヲ義^{ナリ}也^{ナリ}再^テ往^ル論^ス之^ヲ其^ノ義^ノ不^レ定^{ナリ}或^ハ
有^リ一^ノ佛^ノ土^ノ中^ニ以^テ多^ク行^ヲ爲^ス往^ル生^ル行^ト之^ヲ土^ノ或^ハ有^リ多^ク佛^ノ土^ノ中^ニ以^テ一^ヲ行^ヲ通^シ爲^ス
往^ル生^ル行^ト之^ヲ土^ノ如^ク是^レ往^ル生^ル行^ト種^々種^々不^レ同^{ナリ}不^レ可^ク具^ス述^ス也^{ナリ}卽^チ今^ハ選^ビ捨^テ前^ノ布^ヲ
施^ス持^ス戒^ス乃^チ至^ス孝^ヲ養^フ父^ヲ母^ヲ等^ヲ諸^ノ行^ヲ選^ビ取^ス專^ラ稱^シ佛^ノ號^ヲ故^ニ云^フ選^ビ擇^ス也^{ナリ}且^ク約^シ
五^ノ願^ヲ略^シ論^ス選^ビ擇^ス其^ノ義^ノ如^シ是^レ自^ラ餘^ヲ諸^ノ願^ヲ准^シ之^ヲ應^ル知^ル問^ク曰^ク普^ク約^シ諸^ノ願^ヲ選^ビ
捨^テ麤^ク惡^ク選^ビ取^ス善^ク妙^ク其^ノ理^ノ可^ク然^ル何^カ故^{ナリ}第^ニ十^八願^ヲ選^ビ捨^テ一^切諸^ノ行^ヲ唯^ニ偏^ス
選^ビ取^ス念^フ佛^ヲ一^ヲ行^ヲ爲^ス往^ル生^ル本^ノ願^ト乎^{ナリ}答^ク曰^ク聖^ノ意^ノ難^シ測^リ不^レ能^ハ輒^ク解^ス雖^レ然^ト今^ハ
試^ミ以^テ二^ノ義^ヲ解^セ之^ヲ一^ノ者^ニ勝^劣義^ノ二^ノ者^ニ難^易義^ノ初^ニ勝^劣者^ト念^フ佛^ヲ是^レ勝^餘
行^ハ是^レ劣^{ナリ}所^レ以^テ者^何名^號是^レ萬^ノ德^ノ所^レ歸^{スル}也^{ナリ}然^レ則^チ彌^陀一^ノ佛^ヲ所^レ有^ル
四^ノ智^ヲ三^ノ身^ヲ十^ノ力^ヲ四^ノ無^レ畏^等一^切內^ノ證^ヲ功^ノ德^ノ相^ノ好^ヲ光^ノ明^ノ說^フ法^ヲ利^ノ生^等

一切外用功德皆悉攝在阿彌陀佛名號之中故名號功德最爲勝也餘行不然各守一隅是以爲劣也譬如世間屋舍其屋舍名字之中攝棟梁椽柱等一切家具棟梁等一名字中不能攝一切以之應知然則佛名號功德勝餘一切功德故捨劣取勝以爲本願歎次難易義者念佛易修諸行難修是故往生禮讚云問曰何故不令作觀直遣專稱名字者有何意也答曰乃由衆生障重境細心麤識颺神飛觀難成就也是以大聖悲憐直勸專稱名字正由稱名易故相續卽生上已又往生要集問曰一切善業各有利益各得往生何故唯勸念佛一門答曰今勸念佛非是遮餘種種妙行只是男女貴賤不簡行住坐臥不論時處諸緣修之不難乃至臨終願求往生得其便宜不如念佛上已故知念佛易故通於一切諸行難故不通諸機然則爲令一切衆生平等往生捨難取易

爲^{タマヘルカ}本願^ト歟若夫以^ニ造像起塔^ヲ而爲^{タマハハ}本願者貧窮困乏類定絕^{タシ}往生^ト望然富貴者少貧賤者甚多若以智慧高才而爲^{タマハハ}本願者愚鈍下智者定絕^{タシ}往生^ト望然智慧者少愚癡者甚多若以^ニ多聞多見而爲^{タマハハ}本願者少聞少見輩定絕^{タシ}往生^ト望然多聞者少少聞者甚多若以^ニ持戒持律而爲^{タマハハ}本願者破戒無戒人定絕^{タシ}往生^ト望然持戒者少破戒者甚多自餘諸行准^レ之應^ニ知^ル當知^ル以上諸行等而爲^{タマハハ}本願者得^ル往生者少不^レ往生者多然則彌陀如來法藏比丘之昔被^レ催^サ平等慈悲普爲^ニ攝^セ於^カ一切不以^ニ造像起塔等諸行爲^{タマハハ}往生本願唯以^ニ稱名念佛一行爲^{タマヘル}其本願也故法照禪師五會法事讚云彼佛因中立^ニ弘誓聞^テ名念^テ我總迎^ヘ來不^レ簡^ラ貧窮將^ト富貴不^レ簡^ラ下智與^ツ高才不^レ簡^ラ多聞持^ツ淨戒不^レ簡^ラ破戒罪根深^ト但使^ム迴^シ心多念佛能^ク令^ム瓦礫^ヲ變成^シ金^ト上^ニ問^フ曰一切菩薩雖^ト立^ト其願或有^リ已成就^{セル}亦有^リ未成就^セ未^サ

審法藏菩薩四十八願已爲成就將爲未成就也答曰法藏誓願一一成就何者極樂界中既無三惡趣當知是則成就無三惡趣之願也何以得知卽願成就文云亦無地獄餓鬼畜生諸難之趣是也又彼國人天壽終之後無更三惡趣當知是則成就不更惡趣之願也以何得知卽願成就文云又彼菩薩乃至成佛不更惡趣是也又極樂人天旣以無有一人不具三十二相當知是則成就具三十二相願也以何得知卽願成就文云生彼國者皆悉具足三十二相是也如是初自無三惡趣願終至得三法忍願一一誓願皆以成就第十八念佛往生願豈孤以不成就乎然則念佛之人皆以往生以何得知卽念佛往生願成就文云諸有衆生聞其名號信心歡喜乃至一念至心迴向願生彼國卽得往生住不退轉是也凡四十八願莊嚴淨土華池寶閣無非願力何於

其中獨可疑惑念佛往生願乎加之一一願終云若不爾者不取正覺而阿彌陀佛成佛已來於今十劫成佛之誓既以成就當知一一之願不可虛設故善導云彼佛今現在世成佛當知本誓重願不虛衆生稱念必得往生已問曰經云十念釋云十聲念聲之義如何答曰念聲是一何以得知觀經下品下生云令聲不絕具足十念稱南無阿彌陀佛稱佛名故於念念中除八十億劫生死之罪今依此文聲是念念即是聲其意明矣加之大集月藏經云大念見大佛小念見小佛感師釋云大念者大聲念佛小念者小聲念佛故知念即是唱也問曰經云乃至釋云下至其意如何答曰乃至與下至其意是一經云乃至者從多向少之言也多者上盡一形也少者下至十聲一聲等也釋云下至者下者對上之言也下者下至十聲一聲等也上者上盡一形也上下相對之

文其例惟多宿命通願云設我得佛國中人天不識宿命下至不知百千億那由他諸劫事者不取正覺如是五神通及以光明壽命等願中一一置下至之言是則從多至少以下對上之義也例上八種之願今此願乃至者卽是下至也是故今善導所引釋下至之言其意不相違但善導與諸師其意不同諸師之釋別云十念往生願善導獨總云念佛往生願諸師別云十念往生願者其意卽不周也所以然者上捨一形下捨一念之故也善導總言念佛往生願者其意卽周也所以然者上取一形下取一念之故也

〔第四 三輩念佛往生篇〕

三輩念佛往生之文

佛告阿難十方世界諸天人民其有至心願生彼國凡有三輩其上輩者捨家棄欲而作沙門發菩提心一向專念無量壽佛修諸功德

願_ス生_{セント}彼_ニ國_ニ此_レ等_ノ衆_ト生_テ臨_テ壽_ニ終_ル時_ニ無_レ量_ノ壽_ノ佛_ト與_ニ諸_ト大_ト衆_ト現_ス其_レ人_ノ前_ニ卽_ニ隨_ニ彼_ニ往_ニ生_ニ其_レ國_ニ便_チ於_テ七_ノ寶_ノ華_ノ中_ニ自_ラ然_ニ化_シ生_シ住_ス不_レ退_ニ轉_ニ智_ト慧_ト勇_ト猛_ト神_ト通_ト自_ラ在_ニ是_ノ故_ニ阿_ニ難_ニ其_レ有_テ衆_ト生_ニ欲_テ於_テ今_ニ世_ニ見_ニ無_レ量_ノ壽_ノ佛_ト應_ニ發_ニ無_レ上_ノ菩_ト提_ト之_レ心_ヲ修_ニ行_ニ功_ト德_ヲ願_ス生_ニ彼_ニ國_ニ佛_ト語_{ハク}阿_ニ難_ニ其_レ中_ノ輩_ト者_ト十_ノ方_ノ世_ノ界_ノ諸_ト天_ノ人_ノ民_ノ其_レ有_テ至_ニ心_ニ願_ス生_ニ彼_ニ國_ニ雖_レ不_レ能_ハ行_シ作_リ沙_ト門_ト大_ニ修_ス功_ト德_ヲ當_ニ發_ニ無_レ上_ノ菩_ト提_ト之_レ心_ヲ一_ニ向_ニ專_ニ念_ニ無_レ量_ノ壽_ノ佛_ト多_ク少_ク修_シ善_ヲ奉_ニ持_シ齋_ヲ戒_ヲ起_シ立_シ塔_ト像_ヲ飯_ニ食_ニ沙_ト門_ニ懸_ケ繪_ヲ燃_シ燈_ヲ散_シ華_ヲ燒_キ香_ヲ以_テ此_ヲ迴_シ向_ニ願_ス生_ニ彼_ニ國_ニ其_レ人_ノ臨_テ終_ニ無_レ量_ノ壽_ノ佛_ト化_シ現_シ其_レ身_ヲ光_ト明_ト相_ト好_ク具_ニ如_ニ眞_ニ佛_ト與_ニ諸_ト大_ト衆_ト現_ス其_レ人_ノ前_ニ卽_ニ隨_ニ化_シ佛_ト往_ニ生_ニ其_レ國_ニ住_ス不_レ退_ニ轉_ニ功_ト德_ト智_ト慧_ト次_ニ如_ニ上_ノ輩_ト者_ト也

佛_ト告_{ハク}阿_ニ難_ニ其_レ下_ト輩_ト者_ト十_ノ方_ノ世_ノ界_ノ諸_ト天_ノ人_ノ民_ノ其_レ有_テ至_ニ心_ニ欲_シ生_ニ彼_ニ國_ニ假_ヒ不_レ能_ハ作_シ諸_ト功_ト德_ヲ當_ニ發_ニ無_レ上_ノ菩_ト提_ト之_レ心_ヲ一_ニ向_ニ專_ニ意_ニ乃_チ至_ニ十_ノ念_ノ念_ニ無_レ量_ノ壽_ノ

佛願生其國若聞深法歡喜信樂不生疑惑乃至一念念於彼佛以至誠心願生其國此人臨終夢見彼佛亦得往生功德智慧次如中輩者也

私問曰上輩文中念佛之外亦有捨家棄欲等餘行中輩文中亦有起立塔像等餘行下輩文中亦有菩提心等餘行何故唯云念佛往生乎答曰善導和尚觀念法門云又此經下卷初云佛說一切衆生根性不同有上中下隨其根性佛皆勸專念無量壽佛名其人命欲終時佛與聖衆自來迎接盡得往生依此釋意三輩共云念佛往生也問曰此釋未遮前難何棄餘行唯云念佛乎答曰此有三意一爲廢諸行歸於念佛而說諸行也二爲助成念佛而說諸行也三約念佛諸行二門各爲立三品而說諸行也一爲廢諸行歸於念佛而說諸行者准云善導觀經疏中上來

雖_ト說_レ定_ニ散_ル兩_ノ門_ノ之_レ益_ヲ望_レ佛_ノ本_ニ願_ニ意_在衆_ヲ生_テ一_ニ向_ニ專_ニ稱_ニ彌_陀佛_ノ名_ヲ
之_レ釋_ノ意_ヲ且_ラ解_レ之_者上_ノ輩_ノ之_中雖_ト說_レ菩_提心_等餘_ヲ行_ニ望_レ上_ノ本_ニ願_ニ意_唯
在_リ衆_ヲ生_テ專_ニ稱_ニ彌_陀佛_ノ名_ヲ而_ル本_ニ願_ノ中_ニ更_ニ無_レ餘_ヲ行_ニ三_ノ輩_共依_レ上_ノ本_ニ願_ニ
故_云一_ニ向_ニ專_ニ念_ニ無_レ量_ヲ壽_佛也_ト一_ニ向_者對_ス二_ニ向_ニ三_ノ向_等之_言也_例如_シ
彼_五竺_有三_寺一_者一_向大_乘寺_此寺_之中_無學_小乘_二者_一向_小乘_寺此_寺之_中無_學大_乘三_者大_小兼_行寺_此寺_之中_無兼_學
學_故云_兼行_寺當_知大_小兩_寺有_一向_言兼_行之_寺無_一向_言今_此
此_經中_一向_亦然_若念_佛外_亦加_餘行_即非_一向_若准_寺者_可云_兼
兼_行既_云一_向不_兼餘_明矣_既先_雖說_餘行_後云_一向_專念_明知_廢
廢_諸行_唯用_念佛_故云_一向_若不_爾者_一向_之言_最以_回消_歟二_爲
爲_助成_念佛_說此_諸行_者此_亦有_二意_一以_同類_善根_助成_念
佛_二以_異類_善根_助成_念佛_初同_類助_成者_善導_和尚_觀經_疏中

舉^{ケテ}五種助行助成念佛一行是也具如上正雜二行之中說次異類助成者先就上輩而論正助者一向專念無量壽佛者是正行也亦是所助也捨家棄欲而作沙門發菩提心等者是助行也亦是能助也謂往生之業念佛爲本故爲一向修念佛捨家棄欲而作沙門又發菩提心等也就中出家發心等者且指初出及以初發念佛是長時不退之行寧容妨礙念佛也中輩之中亦有起立塔像懸繒燃燈散華燒香等諸行是則念佛助成也其旨見往生要集謂助念方法中方處供具等是也下輩之中亦有發心亦有念佛助正之義准前可知三約念佛諸行各爲立三品而說諸行者先約念佛立三品者謂此三輩中通皆云一向專念無量壽佛是則約念佛門立其三品也故往生要集念佛證據門云雙卷經三輩之業雖有淺深然通皆云一向專念無量壽佛同之感師次約諸

行門立三品者謂此三輩中通皆有菩提心等諸行是則約諸行立其三品也故往生要集諸行往生門云雙卷經三輩亦不出此凡如此三義雖有不同共是所以爲一向念佛也初義卽是爲廢立而說謂諸行爲廢而說念佛爲立而說次義卽是爲助正而說謂爲助念佛之正業而說諸行之助業後義卽是爲傍正而說謂雖說念佛諸行二門以念佛而爲正以諸行而爲傍故云三輩通皆念佛也但此等三義殿最難知請諸學者取捨在心今若依善導以初爲正耳問曰三輩之業皆云念佛其義可然但觀經九品與壽經三輩本是開合異也若爾者何壽經三輩之中皆云念佛至觀經九品上中二品不說念佛至下品始說念佛也答曰此有二義一如問端云雙卷三輩觀經九品開合異者以此應知九品之中皆可念佛云何得知三輩之中皆有念佛九品之中盡

無念佛乎故往生要集云問念佛之行於九品中是何品攝答若
如說行理當上上如是隨其勝劣應分九品然經所說九品行業
是示一端理實無量上故知念佛亦可通九品二觀經之意初廣
說定散之行普逗衆機後廢定散二善歸念佛一行所謂汝好持
是語等之文是也其義如下具述故知九品之行唯在念佛矣

〔第五 念佛利益篇〕

念佛利益之文

無量壽經下云佛語彌勒其有得聞彼佛名號歡喜踊躍乃至一念
當知此人爲得大利則是具足無上功德
善導禮讚云其有得聞彼彌陀佛名號歡喜至一念皆當得生彼
私問曰准上三輩文念佛之外舉菩提心等功德何不歎彼等功
德唯獨讚念佛功德乎答曰聖意難測定有深意且依善導一意

而謂之者原夫佛意正直雖欲說唯念佛之行隨機一往說菩提心等諸行分別三輩淺深不同然今於諸行者既捨而不歎置而不可論者也唯就念佛一行既選而讚歎思而容分別者也若約念佛分別三輩此有二意一隨觀念淺深而分別之二以念佛多少而分別之淺深者如上所引若如說行理當上上是也次多少者下輩文中既有十念乃至一念數上中兩輩准此隨增觀念法門云日別念一萬遍佛亦須依時禮讚淨土莊嚴事大須精進或得三萬六萬十萬者皆是上品上生人當知三萬已上是上品上生業三萬已去上品已下業既隨念數多少分別品位是明矣今此言一念者是指上念佛願成就之中所言一念與下輩之中所明一念也願成就文中雖云一念未說功德大利又下輩文中雖云一念亦不說功德大利至此一念說爲大利歎爲無上當知

是_レ指_二上_一、一_レ念_ヲ也。此_レ大_ト利_ハ者_ハ是_レ對_二小_一利_ノ之_レ言_{ナリ}也。然_レ則_レ以_二菩_一提_二心_一等_ヲ諸_レ行_ヲ而_レ爲_二小_一利_ト、以_二乃_一至_二一_一念_ヲ而_レ爲_二大_一利_ト也。又_レ無_レ上_ト功_ト德_ト者_ハ是_レ對_二有_一上_ト之_レ言_{ナリ}也。以_二餘_一行_ヲ而_レ爲_二有_一上_ト、以_二念_一佛_ヲ而_レ爲_二無_一上_ト也。既_ニ以_二一_一念_ヲ爲_二一_一無_レ上_ト、當_レ知_ル以_二十_一念_ヲ爲_二十_一無_レ上_ト、又_レ以_二百_一念_ヲ爲_二百_一無_レ上_ト、又_レ以_二千_一念_ヲ爲_二千_一無_レ上_ト、如_レ是_レ展_レ轉_{シテ}從_レ少_リ至_レ多_ク、念_レ佛_ヲ恆_レ沙_{ナラハ}無_レ上_ト功_ト德_ト復_タ應_シ恆_レ沙_{ナラハ}如_レ是_レ應_レ知_ル然_レ者_ハ諸_レ願_ヲ求_{セシ}往_シ生_ス之_レ人_ハ何_レ廢_{シテ}無_レ上_ト大_ト利_ト念_レ佛_ヲ強_テ修_{セシヤ}有_レ上_ト小_ト利_ト餘_シ行_ハ乎_ニ。

〔第六 末法萬年特留念佛篇〕

末法萬年後餘行悉滅特留念佛之文

無量壽經下卷云當來之世經道滅盡我以慈悲哀愍特留此經止住百歲其有衆生值此經者隨意所願皆可得度

私問曰經唯云特留此經止住百歲全未云特留念佛止住百歲

然今何云特留念佛哉答曰此經所詮全在念佛其旨見前不能
再出善導懷感惠心等意亦復如是然則此經止住者卽念佛止
住也所以然者此經雖有菩提心之言未說菩提心之行相又雖
有持戒之言未說持戒之行相而說菩提心行相者廣在菩提心
經等彼經先滅菩提心之行何因修之又說持戒行相者廣在大
小戒律彼戒律先滅持戒之行何因修之自餘諸行准之應知故
善導和尚往生禮讚釋此文云萬年三寶滅此經住百年爾時聞
一念皆當得生彼又釋此文略有四意一者聖道淨土二教住
滅前後二者十方西方二教住滅前後三者兜率西方二教住滅
前後四者念佛諸行二行住滅前後也一聖道淨土二教住滅前
後者謂聖道門諸經先滅故云經道滅盡淨土門此經特留故云
止住百歲也當知聖道機緣淺薄淨土機緣深厚也二十方西方

二教住滅前後者謂十方淨土往生諸教先滅故云經道滅盡西方淨土往生此經特留故云止住百歲也當知十方淨土機緣淺薄西方淨土機緣深厚也三兜率西方二教住滅前後者謂上生心地等上生兜率諸教先滅故云經道滅盡往生西方此經特留故云止住百歲也當知兜率雖近緣淺極樂雖遠緣深也四念佛諸行二行住滅前後者諸行往生諸教先滅故云經道滅盡念佛往生此經特留故云止住百歲也當知諸行往生機緣最淺念佛往生機緣甚深也加之諸行往生緣少念佛往生緣多又諸行往生近局末法萬年之時念佛往生遠霑法滅百歲之代也問曰既云我以慈悲哀愍特留此經止住百歲若爾者釋尊以慈悲而留經教何經何教而不留也而何不留餘經唯留此經乎答曰縱雖留何經別指一經者亦不避此難但特留此經有其深意歟若依

善導和尙意者此經之中已說彌陀如來念佛往生本願釋迦慈
悲爲留念佛殊留此經餘經之中未說彌陀如來念佛往生本願
故釋尊慈悲以而不留之也凡四十八願皆雖本願殊以念佛爲
往生規故善導釋云弘誓多門四十八偏標念佛最爲親人能念
佛佛還念專心想佛佛知人上已故知四十八願之中既以念佛往
生之願而爲本願中之王也是以釋迦慈悲特以此經止住百歲
也例如彼觀無量壽經中不付屬定散之行唯孤付屬念佛之行
是卽順彼佛願之故付屬念佛一行也問曰百歲之間可留念佛
其理可然此念佛行唯爲被彼時機將爲通於正像末之機也答
曰廣可通於正像末法舉後勸今其義應知

〔第七 光明唯攝念佛行者篇〕

彌陀光明不照餘行者唯攝取念佛行者之文

觀無量壽經云無量壽佛有八萬四千相一一相各有八萬四千隨形好一一好復有八萬四千光明一一光明遍照十方世界念佛衆生攝取不捨タマハ

同經疏云從無量壽佛下至攝取不捨已來正明觀身別相光益スルコトヲ有緣卽有其五一明相多少二明好多少三明光多少四明光照遠近五明光所及處偏蒙攝益問曰備修衆行但能迴向皆得往生何以佛光普照唯攝念佛者有何意也答曰此有三義一明親緣衆生起行口常稱念佛卽聞之身常禮敬佛佛卽見之心常念佛佛卽知之衆生憶念佛者佛亦憶念衆生彼此三業不相捨離故名親緣也二明近緣衆生願見佛佛卽應念現在目前故名近緣也三明增上緣衆生稱念卽除多劫罪命欲終時佛與聖衆自來迎接諸邪業繫無能礙者故名增上緣也自餘衆行雖名是善若比念佛者全非比

校_ニ也是_ニ故_ニ諸_ニ經_ニ中_ニ處處_ニ廣_ニ讚_ニ念_ニ佛_ニ功_ニ能_ニ如_ニ無_ニ量_ニ壽_ニ經_ニ四_ニ十_ニ八_ニ願_ニ中_ニ唯_ニ明_ニ專_ニ念_ニ彌_ニ陀_ニ名_ニ號_ニ得_ニ生_ニ又_ニ如_ニ彌_ニ陀_ニ經_ニ中_ニ一_ニ日_ニ七_ニ日_ニ專_ニ念_ニ彌_ニ陀_ニ名_ニ號_ニ得_ニ生_ニ又_ニ十_ニ方_ニ恆_ニ沙_ニ諸_ニ佛_ニ證_ニ誠_ニ不_ニ虛_ニ也_ニ又_ニ此_ニ經_ニ定_ニ散_ニ文_ニ中_ニ唯_ニ標_ニ專_ニ念_ニ名_ニ號_ニ得_ニ生_ニ此_ニ例_ニ非_ニ一_ニ也_ニ廣_ニ顯_ニ念_ニ佛_ニ三_ニ味_ニ竟_ニ

觀_ニ念_ニ法_ニ門_ニ云_ニ又_ニ如_ニ前_ニ身_ニ相_ニ等_ニ光_ニ一_ニ遍_ニ照_ニ十_ニ方_ニ世_ニ界_ニ但_ニ有_ニ專_ニ念_ニ阿_ニ彌_ニ陀_ニ佛_ニ衆_ニ生_ニ彼_ニ佛_ニ心_ニ光_ニ常_ニ照_ニ是_ニ人_ニ攝_ニ護_ニ不_ニ捨_ニ總_ニ不_ニ論_ニ照_ニ攝_ニ餘_ニ雜_ニ業_ニ行_ニ者_ニ

私_ニ問_ニ曰_ニ佛_ニ光_ニ明_ニ唯_ニ照_ニ念_ニ佛_ニ者_ニ不_ニ照_ニ餘_ニ行_ニ者_ニ有_ニ何_ニ意_ニ乎_ニ答_ニ曰_ニ解_ニ有_ニ二_ニ義_ニ一_ニ者_ニ親_ニ緣_ニ等_ニ三_ニ義_ニ如_ニ文_ニ二_ニ者_ニ本_ニ願_ニ義_ニ謂_ニ餘_ニ行_ニ非_ニ本_ニ願_ニ故_ニ不_ニ照_ニ攝_ニ之_ニ念_ニ佛_ニ是_ニ本_ニ願_ニ故_ニ照_ニ攝_ニ之_ニ故_ニ善_ニ導_ニ和_ニ尚_ニ六_ニ時_ニ禮_ニ讚_ニ云_ニ彌_ニ陀_ニ身_ニ色_ニ如_ニ金_ニ山_ニ相_ニ好_ニ光_ニ明_ニ照_ニ十_ニ方_ニ唯_ニ有_ニ念_ニ佛_ニ蒙_ニ光_ニ攝_ニ當_ニ知_ニ本_ニ願_ニ最_ニ爲_ニ強_ニ上_ニ又_ニ所_ニ引_ニ文_ニ中_ニ言_ニ自_ニ餘_ニ衆_ニ善_ニ雖_ニ名_ニ是_ニ善_ニ若_ニ比_ニ念_ニ佛_ニ者_ニ全_ニ非_ニ比_ニ校_ニ也_ニ者_ニ意_ニ

云是約淨土門諸行而所比論也念佛是既二百一十億中所選取妙行也諸行是既二百一十億中所選捨麤行也故云全非比較也又念佛是本願行諸行是非本願故云全非比較也

〔第八 三心篇〕

念佛行者必可具足三心之文

觀無量壽經云若有衆生願生彼國者發三種心即便往生何等爲三一者至誠心二者深心三者迴向發願心具三心者必生彼國同經疏云經云一者至誠心至者眞誠者實欲明一切衆生身口意業所修解行必須眞實心中作不得外現賢善精進之相內懷虛假貪嗔邪僞奸詐百端惡性難侵事同蛇蝎雖起三業名爲雜毒之善亦名虛假之行不名眞實業也若作如此安心起行者縱使苦勵身心日夜十二時急走急作如炙頭燃者衆名雜毒之善欲迴此

雜毒之行_ニ求_{ント}生_{セン}彼佛淨土者此必不可也何以故正由彼阿彌陀
佛因中行_ニ菩薩行時乃至一念一刹那三業所修皆是眞實心中
作凡所施爲趣求亦皆眞實又眞實有二種一者自利眞實二者利
他眞實言自利眞實者復有二種一者眞實心中制捨自他諸惡及
穢國等行住坐臥想同一切菩薩制捨諸惡我亦如是也二者眞實
心中勤修自他凡聖等善眞實心中口業讚歎彼阿彌陀佛及依正
二報又眞實心中口業毀厭三界六道等自他依正二報苦惡之事
亦讚歎一切衆生三業所爲善若非善業者敬而遠之亦不隨喜也
又眞實心中身業合掌禮敬四事等供養彼阿彌陀佛及依正二報
又眞實心中身業輕慢厭捨此生死三界等自他依正二報又眞實
心中意業思想觀察憶念彼阿彌陀佛及依正二報如現目前又眞
實心中意業輕賤厭捨此生死三界等自他依正二報不善三業必

須眞實心中捨又若起善三業者必須眞實心中作不簡內外明闇
皆須眞實故名至誠心二者深心言深心者卽是深信之心也亦有
二種一者決定深信自身現是罪惡生死凡夫曠劫已來常沒常流
轉無有出離之緣二者決定深信彼阿彌陀佛四十八願攝受衆生
無疑慮乘彼願力定得往生又決定深信釋迦佛說此觀經三福
九品定散二善證讚彼佛依正二報使人欣慕又決定深信彌陀
經中十方恆沙諸佛證勸一切凡夫決定得生又深信者仰願
一切行者等一心唯信佛語不顧身命決定依行佛遣捨者卽捨佛
遣行者卽行佛遣去處卽去是名隨順佛教隨順佛意是名隨順
佛願是名眞佛弟子又一切行者但能依此經深信行者必不悞衆
生也何以故佛是滿足大悲人故實語故除佛已還智行未滿在
其學地由有正習二障未除果願未圓此等凡聖縱使測量諸佛教

意^フ未^ダ能^ハ決^ス了^{スルコト}雖^モ有^ト平^ス章^{コト}要^ス須^ク請^テ佛^ノ證^ヲ爲^ス定^ト也若^シ稱^ヘ佛^ノ意^ニ卽^ニ印^{シテ}可^ク言^ヒ如^ク是^ト若^シ不^レ可^ク佛^ノ意^ニ者卽^ニ言^フ汝^等所^レ說^ハ是^レ義^ノ不^レ如^ク是^ト不^レ印^セ者卽^ニ同^シ無^シ記^ス無^ク利^ニ無^ク益^ニ之^レ語^ニ佛^ノ印^可者卽^ニ隨^ス順^ス佛^ノ之^レ正^ニ教^ニ若^シ佛^ノ所^レ有^ル言^ハ說^ハ卽^ニ是^レ正^ニ教^ニ正^ニ義^ニ正^ニ行^ニ正^ニ解^ニ正^ニ業^ニ正^ニ智^{ナリ}若^ハ多^ク若^ハ少^ク衆^テ不^レ問^ハ菩^ツ薩^ノ人^ノ天^等定^{ムルナリ}其^レ是^レ非^也若^シ佛^ノ所^レ說^ハ卽^ニ是^レ了^レ教^{ナリ}菩^ツ薩^等說^ハ盡^ク名^ク不^レ了^レ教^也應^ル知^ル是^レ故^ニ今^ニ時^ニ仰^テ勸^ム一^切有^レ緣^ノ往^シ生^人等^ニ唯^ク可^ク深^ク信^{シテ}佛^ノ語^ヲ專^ニ注^ス奉^行不^レ可^ク信^ニ用^{シテ}菩^ツ薩^等不^レ相^レ應^レ教^ヲ以^テ爲^シ疑^礙抱^テ惑^ヲ自^ラ迷^ヒ廢^ス失^ス往^シ生^ノ之^レ大^ニ益^也又^ハ深^ク心^ハ深^ク信^者決^{シテ}定^{シテ}建^{シテ}立^{シテ}自^心順^テ教^ニ修^{シテ}行^ク永^ク除^テ疑^錯不^レ爲^ニ一^切別^解別^行異^學異^見異^執之^レ所^中退^シ失^シ傾^動也問^テ曰^ク凡^ハ夫^ハ智^ク淺^ク惑^障處^深若^シ逢^テ解^行不^レ同^人多^ク引^キ經^論來^テ相^レ妨^シ難^シ證^云一^切罪^障凡^ハ夫^ハ不^レ得^テ往^シ生^者云^ク何^レ對^シ治^{シテ}彼^ノ難^ヲ成^シ就^シ信^心決^{シテ}定^直進^シ不^レ生^ニ怯^退也答^テ曰^ク若^シ有^レ人^多引^キ經^論證^云不^レ生^者行^者卽^ニ報^云仁^者雖^モ將^テ經^論來^テ證^導不^レ生^如我^ノ意^者決^{シテ}定^云

不_レ受_二汝_一破_二何_一以_レ故_二然_一我亦不_二是_一不_レ信_二彼_一諸_レ經論_ヲ盡_レ皆_レ仰_二信_一然_二佛_一說_二彼_一經時_ハ處_レ別_二時_一別_二對_レ機_一別_二利_一益_レ別_二又_一說_二彼_一經時_ハ卽_レ非_二說_一觀_レ經_二彌_一陀_レ經_二等_一時_ハ然_二佛_一說_レ教_レ備_レ機_二時_一亦_レ不_レ同_二彼_一卽_レ通_二說_一人_二天_一菩薩_レ之_レ解_レ行_二今_一說_二觀_一經_二定_一散_二二_一善_レ唯_レ爲_二韋_一提_レ及_レ佛_レ滅_レ後_二五_一濁_二五_一苦_レ等_二一_一切_レ凡_レ夫_二證_一言_レ得_レ生_二爲_一此_レ因_レ緣_二我_一今_二一_一心_レ依_二此_一佛_レ教_二決_一定_レ奉_レ行_二縱_一使_レ汝_レ等_二百_一千_レ萬_レ億_レ尊_レ不_レ生_二者_一唯_レ增_レ長_レ成_レ就_二我_一往_レ生_二信_一心_二也_一又_レ行_レ者_二更_一向_レ說_二言_一仁_レ者_二善_一聽_レ我_レ今_レ爲_レ汝_レ更_レ說_二決_一定_レ信_レ相_レ縱_レ使_レ地_レ前_レ菩_レ薩_レ羅_レ漢_レ辟_レ支_レ等_レ若_レ一_レ若_レ多_レ乃_レ至_レ遍_二滿_一十_レ方_二皆_一引_レ經_レ論_二證_一言_レ不_レ生_二者_一我_レ亦_レ未_レ起_二一_一念_レ疑_レ心_二唯_一增_レ長_レ成_レ就_二我_一清_レ淨_二信_一心_二何_一以_レ故_二由_一佛_レ語_二決_一定_レ成_レ就_二了_一義_レ不_レ爲_二一_一切_レ所_レ破_レ壞_二故_一又_レ行_レ者_二善_一聽_レ縱_レ使_レ初_レ地_レ已_レ上_レ十_レ地_レ已_レ來_レ若_レ一_レ若_レ多_レ乃_レ至_レ遍_二滿_一十_レ方_二異_一口_レ同_二音_一皆_レ云_レ釋_レ迦_レ佛_レ指_レ讚_レ彌_レ陀_レ毀_レ皆_レ三_レ界_レ六_レ道_レ勸_レ勵_レ衆_レ生_二專_一心_レ念_レ佛_レ及_レ修_レ餘_レ善_レ畢_二此_一一_レ身_レ後_レ必_レ定_レ生_二彼_一國_レ者_レ此_レ必_レ虛_レ妄_レ不_レ可_レ依_レ信_二也_一我_レ雖_レ聞_二

此等所說亦不生一念疑心唯增長成就我決定上上信心何以故
乃由佛語眞實決了義故佛是實知實解實見實證非是疑惑心中
語故又不爲一切菩薩異見異解之所破壞若實是菩薩者衆不違
佛教也又置此事行者當知縱使化佛報佛若一若多乃至遍滿十
方各各輝光吐舌遍覆十方一一說言釋迦所說相讚勸發一切凡
夫專心念佛及修餘善迴願得生彼淨土者此是虛妄定無此事
也我雖聞此等諸佛所說畢竟不起一念疑退之心畏不得生彼
佛國也何以故一佛一切佛所有知見解行證悟果位大悲等同無
少差別是故一佛所制卽一切佛同制如似前佛制斷殺生十惡
等罪畢竟不犯不行者卽名十善十行隨順六度之義若有後佛出
世豈可改前十善令行十惡也以此道理推驗明知諸佛言行不相
違失縱令釋迦指勸一切凡夫盡此一身專念專修捨命已後定生

彼國者卽十方諸佛悉皆同讚同勸同證何以故同體大悲故一佛
 所化卽是一切佛化一切佛化卽是一佛所化卽彌陀經中說釋迦
 讚歎極樂種種莊嚴又勸一切凡夫一日七日一心專念彌陀名
 號定得往生次下文云十方各有恆河沙等諸佛同讚釋迦能於
 五濁惡時惡世界惡衆生惡見惡煩惱惡邪無信盛時指讚彌陀名
 號勸勵衆生稱念必得往生卽其證也又十方佛等恐畏衆生不
 信釋迦一佛所說卽共同心同時各出舌相遍覆三千世界說誠實
 言汝等衆生皆應信是釋迦所說所讚所證一切凡夫不問罪福多
 少時節久近但能上盡百年下至一日七日一心專念彌陀名號定
 得往生必無疑也是故一佛所說卽一切佛同證誠其事也此名就
 人立信也次就行立信者然行有二種一者正行二者雜行二行之中
所引恐繁不載見人得意 三者迴向發願心言迴向發願心者過去及以今生身口

意業所修世出世善根及隨喜他一切凡聖身口意業所修世出世善根以此自他所修善根悉皆眞實深信心中迴向願生彼國故名迴向發願心也又迴向發願願生者必須決定眞實心中迴向願作得生想此心深信由若金剛不爲一切異見異學別解別行人等之所動亂破壞唯是決定一心投正直進不得聞彼人語卽有進退心生怯弱迴顧落道卽失往生之大益也問曰若有解行不同邪雜人等來相惑亂或說種種疑難導不得往生或云汝等衆生曠劫已來及以今生身口意業於一切凡聖身上具造十惡五逆四重謗法闡提破戒破見等罪未能除盡然此等之罪繫屬三界惡道云何一生修福念佛卽入彼無漏無生之國永得證悟不退位也答曰諸佛教行數越塵沙稟識機緣隨情非一譬如世間人眼可見可信者如明能破闇空能含有地能載養水能生潤火能成壞如此等事悉

名^ナ待^マ對^ト之^ノ法^{ホウ}即^{ソウ}目^メ可^シ見^ル千^{セン}差^サ萬^{マン}別^{ベツ}何^ニ況^ヤ佛^{ブツ}法^{ポフ}不^レ思^シ議^ギ之^ノ力^{リキ}豈^ニ無^ク種^{シュウ}種^{シュウ}
益^{イキ}也^ヤ隨^テ出^レ一^ニ門^{カド}者^ヲ即^ツ出^ツ一^ニ煩^{ワン}惱^{ノウ}門^{カド}也^ヤ隨^テ入^レ一^ニ門^{カド}者^ヲ即^ツ入^ル一^ニ解^ゲ脫^{トク}智^チ慧^ヱ
門^{カド}也^ヤ爲^シ此^ノ隨^テ緣^ニ起^ル行^ヲ各^ク求^ム解^ゲ脫^{トク}汝^ニ何^ヲ以^テ乃^チ將^モ非^ル有^レ緣^ニ之^ノ要^{ヨウ}行^ヲ障^ヤ惑^{スル}於^レ
我^ヲ然^ル我^ノ之^ノ所^ノ愛^{スル}即^チ是^レ我^ノ有^ル緣^ノ之^ノ行^ヲ即^チ非^ス汝^ノ所^ノ求^ル汝^ノ之^ノ所^ノ愛^{スル}即^チ是^レ汝^ノ有^ル
緣^ノ之^ノ行^ヲ亦^チ非^ス我^ノ所^ノ求^ル是^レ故^ニ各^ク隨^テ所^ノ樂^フ而^チ修^{スレ}其^ノ行^ヲ者^ヲ必^ス疾^ク得^ル解^ゲ脫^{トク}也^ヤ行^フ
者^ヲ當^ニ知^ル若^シ欲^セ學^ブ解^ゲ從^リ凡^ニ至^リ聖^ニ乃^チ至^リ佛^ノ果^ニ一^ニ切^ク無^ク礙^ニ皆^ク得^ル學^ブ也^ヤ若^シ欲^セ學^ブ
行^フ者^ヲ必^ス藉^シ有^レ緣^ノ之^ノ法^ヲ少^ク用^フ功^ク勞^ヲ多^ク得^ル益^ヲ也^ヤ又^チ白^ク一^ニ切^ク往^ル生^ル人^等今^ニ更^ニ
爲^シ行^フ者^ノ說^ク一^ニ譬^ヲ喻^ヲ守^テ護^シ信^心以^テ防^グ外^ノ邪^ヲ異^ノ見^ノ之^ノ難^ヲ何^ニ者^カ是^レ也^ヤ譬^ハ如^キ有^ル
人^ノ欲^ス向^テ西^ニ行^ク百^ニ千^ノ之^ノ里^ヲ忽^チ然^ト中^ノ路^ニ見^ル有^ル二^ノ河^ニ一^ニ是^レ火^ノ河^ニ在^リ南^ニ二^ニ是^レ水^ノ
河^ニ在^リ北^ニ二^ノ河^ノ各^ク闊^ク百^ニ步^ノ各^ク深^ク無^ク底^ニ南^ノ北^ノ無^ク邊^ニ正^シ水^ノ火^ノ中^ノ間^ニ有^ル一^ニ白^ク道^ニ
可^シ闊^ク四^ニ五^ニ寸^ノ許^ク此^ノ道^ヲ從^リ東^ノ岸^ニ至^リ西^ノ岸^ニ亦^チ長^ク百^ニ步^ノ其^ノ水^ノ波^ノ浪^ノ交^マ過^テ濕^シ道^ヲ
其^ノ火^ノ燄^ノ亦^チ來^テ燒^ク道^ヲ水^ノ火^ノ相^テ交^マ常^ニ無^ク休^ム息^{スル}此^ノ人^ノ既^ニ至^リ空^ノ曠^ノ迥^ク處^ニ更^ニ無^ク人^ノ

物多有群賊惡獸見此人單獨競來欲殺此人怖死直向西忽然見此大河卽自念言此河南北不見邊畔中間見一白道極是狹小二岸相去雖近何由可行今日定死不疑正欲到迴群賊惡獸漸漸來逼正欲南北避走惡獸毒蟲競來向我正欲向西尋道而去復恐墮此水火二河當時惶怖不復可言卽自思念我今迴亦死住亦死去亦死一種不勉死者我寧尋此道向前而去既有此道必應可度作此念時東岸忽聞人勸聲仁者但決定尋此道行必無死難若住卽死又西岸上有人喚言汝一心正念直來我能護汝衆不畏墮於水火之難此人旣聞此遣彼喚卽自正當身心決定尋道直進不疑疑怯退心或行一分二分東岸群賊等喚言仁者迴來此道嶮惡不得過必死不疑我等衆無惡心相向此人雖聞喚聲亦不迴顧一心直進念道而行須臾卽到西岸永離諸難善友相見慶樂無已此是

喻也。次合喻者言東岸者即喻此娑婆之火宅也。言西岸者即喻樂寶國也。言群賊惡獸詐親者即喻衆生六根六識六塵五陰四大也。言無人空迥澤者即喻常隨惡友不值眞善知識也。言水火二河者即喻衆生貪愛如水瞋憎如火也。言中間白道四五寸者即喻衆生貪瞋煩惱中能生清淨願往生心也。乃由貪瞋強故即喻如水火善心微故喻如白道。又水波常濕道者即喻愛心常起能染汚善心也。又火焰常燒道者即喻瞋嫌之心能燒功德之法財也。言人行道上直向西者即喻迴諸行業直向西方也。言東岸聞人聲勸遣尋道直西進者即喻釋迦已滅後人不見由有教法可尋即喻之如聲也。言或行一分二分群賊等喚迴者即喻別解別行惡見人等妄說見解迭相惑亂及自造罪退失也。言西岸上有人喚者即喻彌陀願意也。言須臾到西岸善友相見喜者即喻衆生久沈生死曠劫輪迴迷

倒自纏無由解脫仰蒙釋迦發遣指向西方又藉彌陀悲心招喚
今信順二尊之意不願水火二河念念無遺乘彼願力之道捨命
已後得生彼國與佛相見慶喜何極也又一切行者行住坐臥
三業所修無間晝夜時節常作此解常作此想故名迴向發願心又
言迴向者生彼國已還起大悲迴入生死教化衆生亦名迴向也三
心既具無行不成願行既成若不生者無有是處也又此三心亦
通攝定善之義應知

往生禮讚云問曰今欲勸人往生者未知若爲安心起行作業定
得往生彼國土也答曰必欲生彼國土者如觀經說者具三心者必
得往生何等爲三一者至誠心所謂身業禮拜彼佛口業讚歎稱揚
彼佛意業專念觀察彼佛凡起三業必須真實故名至誠心二者深
心卽是眞實信心信知自身是具足煩惱凡夫善根薄少流轉三界

不出_二火宅_一今信_レ知彌陀_ノ本弘誓願_及稱_二名號_一下_至十聲_一一聲_等定_レ得_二往生_一乃至一念_レ無_レ有_レ疑心_一故名_二深心_一三者迴向發願心_所作_レ一切善根悉皆迴願_二往生_一故名_二迴向發願心_一具_レ此三心_一必得_レ生也若少_一一心_一即不得_レ生如_レ觀經具說_レ應知

私云_レ所引三心者_是行者_至要也_{所以}者_何經則云_レ具三心者_必生彼國_一明知具三必應得_レ生_一釋則云_レ若少_一一心_一即不得_レ生明知一少_一是更不可_レ因茲欲_レ生極樂之人_一全可具_二足三心_一也其中至誠心者_是眞實心也_其相如_レ彼文_一但外現_二賢善精進相_一內懷_二虛假者_一外者對_レ內之辭也_謂外相與_二內心_一不調之意_一即是外智_二內愚也_一賢者對_レ愚之言也_謂外是賢_二內即愚也_一善者對_レ惡之辭也_謂外是善_二內即惡精進者對_レ懈怠之言也_謂外示_二精進相_一內即懷_二懈怠心_一也若夫翻_レ外蓄_レ內者_祇應備_二出要_一內懷_二虛假等者_一內者對_レ外之

辭也謂內心與外相不調之意卽是內虛外實也虛者對實之言也謂內虛外實者也假者對眞之辭也謂內假外眞也若夫翻內播外者亦可足出要次深心者謂深信之心當知生死之家以疑爲所止涅槃之城以信爲能入故今建立二種信心決定九品往生者也又此中言一切別解別行異學異見等者是指聖道門解行學見也其餘卽是淨土門意在文可見明知善導之意亦不出此二門也迴向發願心之義不可俟別釋行者應知之此三心者總而言之通諸行法別而言之在往生行今舉通攝別意卽周矣行者能用心敢勿令忽諸

〔第九 四修法篇〕

念佛行者可_レ行_二用_一四修_レ法_一之文

善導往生禮讚云又勸行四修法何者爲四一者恭敬修所謂恭敬

禮拜彼佛及彼一切聖衆等故名恭敬修畢命爲期誓不中止卽是
長時修二者無餘修所謂專稱彼佛名專念專想專禮專讚彼佛及
一切聖衆等不雜餘業故名無餘修畢命爲期誓不中止卽是長時
修三者無間修所謂相續恭敬禮拜稱名讚歎憶念觀察迴向發願
心心相續不以餘業來間故名無間修又不以貪瞋煩惱來間隨犯
隨懺不令隔念隔時隔日常使清淨亦名無間修畢命爲期誓不中
止卽是長時修

西方要決云但修四修以爲正業一者長時修從初發心乃至菩提
恆作淨因終無退轉二者恭敬修此復有五_一敬有緣聖人謂行住
坐臥不背西方涕唾便利不向西方也二_二敬有緣像教謂造西方彌
陀像變不能廣作但作一佛二菩薩亦得教者彌陀經等五色袋盛
自讀教他此之經像安置室中六時禮懺香華供養特生尊重三_三敬

有緣善知識謂宣淨土教者若千由旬十由旬已來竝須敬重親近
供養別學之者總起敬心與己不同但知深敬也若生輕慢得罪無
窮故須總敬卽除行障四敬同緣伴謂同修業者自雖障重獨業不
成要藉良朋方能作行扶危救厄助力相資同伴善緣深相保重五
敬三寶同體別相竝合深敬不能具錄爲淺行者不果依修住
持三寶者與今淺識作大因緣今粗料簡言佛寶者謂雕檀繡綺素
質金容鏤玉圖繪磨石削土此之靈像特可尊承暨爾觀形罪消增
福若生少慢長惡善亡但想尊容當見眞佛言法寶者三乘教旨
法界所流名句所詮能生解緣故須珍仰以發慧基鈔寫尊經恆安
淨室箱篋盛貯竝合嚴敬讀誦之時身手清潔言僧寶者聖僧菩薩
破戒之流等心起敬勿生慢想三者無間修謂常念佛作往生心於
一切時心恆想巧譬若有人被他抄掠身爲下賤備受艱辛忽思父

母欲^ニ走歸國行裝未^レ辨由^ニ在他鄉^ニ日夜思惟^{シテ}苦不堪^ハ忍^ヒ無^シ時^ト暫捨^テ
不^レ念^ル爺孃^ヲ爲^レ計^ヲ既^ニ成^テ便歸^テ得^レ達^{スル}親^シ近^シ父母^ニ縱^ニ任^シ歡娛^ス行者亦^モ然^シ
往^カ因^テ煩惱^ニ壞^ニ亂^シ善心^ヲ福智^ヲ珍財^竝皆散失^ス久^ク流^レ生^レ死^ニ制^ス不^レ自由^ナ恆^ニ與^ニ魔
王^ノ而作^テ僕使^ト驅馳^セ六道^ニ苦切^ス身心^ヲ今^ニ遇^テ善緣^ニ忽^チ聞^テ彌陀慈父^ノ不^レ違^ヒ弘
願^ニ濟^シ拔^ク群生^ヲ日夜驚忙^シ發心^{シテ}願^レ往^{コト}所以^ニ精懃^{シテ}不倦^マ當^ニ念^{シテ}佛恩^ヲ報^ル盡^ル
爲^{シテ}期^ト心^ニ恆^ニ計^ス念^ス四者^ニ無^レ餘^修謂^{ハク}專^ラ求^テ極^ニ樂^ヲ禮^ス念^ス彌陀^ヲ但^{シテ}諸^ノ餘^ノ業^行不^レ
令^メ雜^セ起^セ所作^ノ之^ノ業^ニ日^ニ別^ニ須^ク修^{シテ}念^ニ佛^ヲ讀^ク經^ヲ不^レ留^ル餘^課耳

私^ニ云^ク四^ノ修^ノ之^ノ文^ヲ可^レ見^ツ恐^テ繁^ク而^レ不^レ解^セ但^シ前^ノ文^ニ既^ニ云^テ四^ノ修^ト唯^リ有^リ三^ノ修^ト
若^ハ脫^ス其^ノ文^ヲ若^ク有^リ其^ノ意^也更^ニ非^ニ脫^ス文^ニ有^リ其^ノ深^ニ意^也何^ヲ以^テ得^ル知^{コト}四^ノ修^ト者^ハ
一^ニ長^シ時^ヲ修^ム二^ニ懇^ニ重^ク修^ム三^ニ無^レ餘^修四^ニ無^レ間^修也^{ナリ}而^レ以^テ初^ノ長^シ時^ハ只^シ是^レ通^ス
用^{スル}後^ノ三^ノ修^ニ也^{ハク}謂^{ハク}懇^ニ重^ク若^ク退^セ懇^ニ重^ク之^ノ行^即不^レ可^ク成^ス無^レ餘^修若^ク退^セ無^レ餘^之
行^即不^レ可^ク成^ス無^レ間^修若^ク退^セ無^レ間^之修^即不^レ可^ク成^ス爲^レ使^シ成^シ就^セ此^ノ三^ノ修^行

皆以長時屬於三修所令通修也故三修之下皆結云畢命爲期誓不中止卽是長時修是也例如彼精進通於餘五度而已

〔第十 化佛讚歎篇〕

彌陀化佛來迎不讚歎聞經之善唯讚歎念佛之行此文

觀無量壽經云或有衆生作衆惡業雖不誹謗方等經典如此愚人多造衆惡無有慚愧命欲終時遇善知識爲讚大乘十二部經首題名字以聞如是諸經名故除却千劫極重惡業智者復教合掌叉手稱南無阿彌陀佛稱佛名故除五十億劫生死之罪爾時彼佛卽遣化佛化觀世音化大勢至至行者前讚言善男子汝稱佛名故諸罪消滅我來迎汝

同經疏云所聞化讚但述稱佛之功我來迎汝不論聞經之事然望佛願意者唯勸正念稱名往生義疾不同雜散之業如此經及諸

部中處處廣歎勸令稱名將爲要益也應知

私云聞經之善是非本願雜業故化佛不讚念佛之行是本願正業故化佛讚歎加之聞經與念佛滅罪多少不同也觀經疏云問曰何故聞經十二部但除罪千劫稱佛一聲卽除罪五百萬劫者何意也答曰造罪之人障重加以死苦來逼善人雖說多經滄受之心浮散由心散故除罪稍輕又佛名是一卽能攝散以住心復教令正念稱名由心重故卽能除罪多劫也

〔第十一 約對雜善讚歎念佛篇〕

約對雜善讚歎念佛之文

觀無量壽經云若念佛者當知此人卽是人中芬陀利華觀世音菩薩大勢至菩薩爲其勝友當坐道場生諸佛家同經疏云從若念佛者下至生諸佛家已來正顯念佛三昧功能超

絕實非雜善得爲比類卽有其五一明專念彌陀佛名二明指讚
能念之人三明若能相續念佛者此人甚爲希有更無物可以方之
故引芬陀利爲喻言芬陀利者名人中好華亦名希有華亦名人中
上上華亦名人中妙好華此華相傳名蔡華是若念佛者卽是人中
好人人中妙好人人中上上人中希有人人中最勝人也四明專
念彌陀名者卽觀音勢至常隨影護亦如親友知識也五明今生
旣蒙此益捨命卽入諸佛之家卽淨土是也到彼長時間聞法歷事供
養因圓果滿道場之座豈賒ナランヤト云トヲ

私問曰經云若念佛者當知此人等唯約念佛者而讚歎之釋家
有何意云實非雜善得爲比類相對雜善獨歎念佛乎答曰文中
雖隱義意是明所以知者此經旣說定散諸善竝念佛行而於其
中孤標念佛喻芬陀利非待雜善云何能顯念佛功超餘善諸

行^ニ然^{レハ}則^レ念佛^{スル}者^ハ卽^レ是^レ人^中好^ト人^者是^レ待^{シテ}惡^ニ而^レ所^{ナリ}美^{ムル}也言^ハ人^中妙^好
人^ニ者^ト是^レ待^{シテ}麤^ニ惡^ニ而^レ所^{ナリ}稱^{スル}也言^ハ人^中上^上人^者是^レ待^{シテ}下^下而^レ所^{ナリ}讚^{スル}也
言^ハ人^中希^ト有^ト人^者是^レ待^{シテ}常^有而^レ所^{ナリ}歎^{スル}也言^ハ人^中最^勝人^者是^レ待^{シテ}最^劣
劣^ニ而^レ所^{ナリ}褒^{ムル}也問^ク曰^ク既^ニ以^テ念^フ佛^ヲ名^ニ上^上者^何故^{シテ}不^{シテ}說^カ上^上品^中至^下
下^品而^レ說^ヤ念^フ佛^ヲ乎答^ク曰^ク豈^ニ前^不云^ハ念^フ佛^之行^廣互^ニ九^品卽^レ前^所引^ク
往^生要^集云^フ隨^テ其^勝劣^ニ應^ニ分^ニ九^品是^レ也加^{シカ}之^下品^下生^是五^逆重^罪
罪^之人^也而^レ能^ル除^{スル}滅^{スル}逆^罪所^レ不^ル堪^餘行^唯有^テ念^フ佛^之力^能堪^{タリ}滅^{スル}於^ニ
重^罪故^ニ爲^ニ極^惡最^下之^人所^レ說^ク極^善最^上之^法例^{セハ}如^ク彼^無明^淵源^之病^非
之^病非^ニ中^道府^藏之^藥卽^レ不^ル能^治今^此五^逆重^病淵^源亦^レ此^念佛^ハ
靈^藥府^藏非^ニ此^藥者^何治^{セン}此^病故^ニ弘^法大^師二^教論^引六^波羅^蜜
經^云第^三法^寶者^所謂^ル過^去無^量諸^佛所^說正^法及^我今^所說^所
謂^ル八^萬四^千諸^妙法^蘊乃^至調^伏純^熟有^緣衆^生而^令阿^難陀^等

諸大弟子一聞於耳皆悉憶持爲五分一素咀纜二毘奈耶三
阿毘達磨四般若波羅蜜多五陀羅尼門此五種藏教化有情隨
所應度而爲說之若彼有情樂處山林常居閑寂修靜慮者而爲
彼說素咀纜藏若彼有情樂習威儀護持正法一味和合令得久
住而爲彼說毘奈耶藏若彼有情樂說正法分別性相循環研
覈究竟甚深而爲彼說阿毘達磨藏若彼有情樂習大乘眞實智
慧離於我法執著分別而爲彼說般若波羅蜜多藏若彼有情不
能受持契經調伏對法般若或復有情造諸惡業四重八重五無
間罪謗方等經一闡提等種種重罪使得銷滅速疾解脫頓悟涅
槃而爲彼說諸陀羅尼藏此五法藏譬如乳酪生蘇熟蘇及妙醍
醐契經如乳調伏如酪對法教者如彼生蘇大乘般若猶如熟蘇
總持門者譬如醍醐醍醐之味乳酪蘇中微妙第一能除諸病令

諸有情身心安樂總持門者契經等中最爲第一能除重罪令諸
衆生解脫生死速證涅槃安樂法身已此中五無間罪者是五逆
罪也卽非醍醐之妙藥者五無間病甚爲難療念佛亦然往生教
中念佛三昧是如總持亦如醍醐若非念佛三昧醍醐之藥者五
逆深重病甚爲難治應知問曰若爾者下品上生是十惡輕罪之
人也何故說念佛乎答曰念佛三昧重罪尙滅何況輕罪哉餘行
不然或有滅輕而不滅重或有消一而不消二念佛不然輕重兼
滅一切遍治譬如阿伽陀藥遍治一切病故以念佛爲王三昧凡
九品配當是一往義五逆迴心通於上上讀誦妙行亦通下下十
惡輕罪破戒次罪各通上下解第一義發菩提心亦通上下一法
各有九品若約品卽九九八十一品也加之迦才云衆生起行既
有千殊往生見土亦有萬別也見一往文莫起封執其中念佛是

即勝行故引芬陀利以爲其喻譬意應知加之念佛行者觀音勢
至如影與形暫不捨離餘行不爾又念佛者捨命已後決定往生
極樂世界餘行不定凡流五種嘉譽蒙二尊影護此是現益也亦
往生淨土乃至成佛此是當益也又道綽禪師於念佛一行立始
終兩益安樂集云念佛衆生攝取不捨壽盡必生此名始益言終
益者依觀音授記經云阿彌陀佛住世長久兆載永劫亦有滅度
般涅槃時唯有觀音勢至住持安樂接引十方其佛滅度亦與住
世時節等同然彼國衆生一切無有覩見佛者唯有一向專念阿
彌陀佛往生者常見彌陀現在不滅此卽是其終益也上當知念
佛有如此等現當二世始終兩益應知

〔第十二 付屬佛名篇〕

釋尊不付屬定散諸行唯以念佛付屬阿難之文

觀無量壽經云佛告阿難汝好持是語持是語者卽是持無量壽佛名

同經疏云從佛告阿難汝好持是語已下正明付屬彌陀名號流通於遐代上來雖說定散兩門之益望佛本願意在衆生一向專稱彌陀佛名

私云案疏文有二行一定散二念佛初言定散者又分爲二一定善二散善初付定善有其十三一者日想觀二者水想觀三者地想觀四者寶樹觀五者寶池觀六者寶樓閣觀七者華座觀八者像想觀九者阿彌陀佛觀十者觀音觀十一者勢至觀十二者普往生觀十三者雜想觀具如經說縱雖無餘行或一或多隨其所堪修十三觀可得往生其旨見經敢莫疑慮次付散善有二一者三福二者九品初三福者經曰一者孝養父母奉事師長慈心不

殺修十善業二者受持三歸具足衆戒不犯威儀三者發菩提心
深信因果讀誦大乘勸進行者經文孝養父母者付之有二一世
間孝養二出世孝養也世間孝養者如孝經等說出世孝養者如
律中生緣奉事法奉事師長者付之又有一世間師長二出世
師長也世間師者教仁義禮智信等師也出世師者教聖道淨土
二門等師也縱雖無餘行以孝養奉事爲往生業也慈心不殺修
十善業者就此有二義一者初慈心不殺者是四無量心中初慈
無量也卽舉初一攝後三也縱雖無餘行以四無量心爲往生業
也次修十善業者一不殺生二不偷盜三不邪淫四不妄語五不
綺語六不惡口七不兩舌八不貪九不瞋十不邪見也二者合慈
心不殺修十善業二句而爲一句謂初慈心不殺者是非四無量
之中慈無量是指十善之初不殺故知正是十善之一句也縱雖

無餘行以十善業爲往生業也受持三歸者歸依佛法僧也就此有二者大乘三歸二者小乘三歸也具足衆戒者此有二者大乘戒二者小乘戒也不犯威儀者此亦有二者大乘謂有八萬二者小乘謂有三千發菩提心者諸師意不同也天台卽有四教菩提心謂藏通別圓是也具如止觀說眞言卽有三種菩提心謂行願勝義三摩地是也具如菩提心論說華嚴亦有菩提心如彼菩提心義及遊心安樂道等說三論法相各有菩提心具如彼宗章疏等說又有善導所釋菩提心具如疏述發菩提心其言雖一各隨其宗其義不同然則菩提心之一句廣互諸經遍該顯密意氣博遠詮測冲懇願諸行者莫執一遮萬諸求往生之人各須發自宗之菩提心縱雖無餘行以菩提心爲往生業也深信因果者付之有二者世間因果二者出世因果世間因果者卽六道

因果也如正法念經說出世因果者卽四聖因果也如諸大小乘經說若以此因果二法遍攝諸經者諸家不同且依天台謂華嚴者說佛菩薩二種因果阿含者說聲聞緣覺二乘因果方等諸經者說四乘因果也般若諸經者說通別圓因果法華者說佛因果涅槃者又說四乘因果也然則深信因果之言遍普該羅於一代矣諸求往生之人縱雖無餘行以深信因果可爲往生業讀誦大乘者分而爲二一者讀誦二者大乘讀誦者卽是五種法師之中舉轉讀誦二師顯受持等三師若約十種法行者卽是舉披讀誦二種法行顯書寫供養等八種法行也大乘者簡小乘之言也別非指一經通指一切諸大乘經謂一切者佛意廣指一代所說諸大乘經而於一代所說有已結集經有未結集經又於已結集經或有隱龍宮不流布人間之經或有留天竺未來到漢地

之經而今就翻譯將來之經而論之者貞元入藏錄中始自大般若經六百卷終于法常住經顯密大乘經總六百三十七部二千八百八十三卷也皆須攝讀大乘之一句願西方行者各隨其意樂或讀誦法華以爲往生業或讀誦華嚴以爲往生業或受持讀誦遮那教王及以諸尊法等以爲往生業或解說書寫般若方等及以涅槃經等以爲往生業是則淨土宗觀無量壽經意也問曰顯密旨異何顯中攝密乎答曰此非云攝顯密之旨貞元入藏錄中同編之而入大乘經限故攝讀大乘一句也問曰爾前經中何攝法華乎答曰今所言攝者非論權實偏圓等義讀誦大乘之言普通前後大乘諸經前者觀經已前諸大乘經是也後者王宮已後諸大乘經是也唯云大乘無選權實然則正當華嚴方等般若法華涅槃等諸大乘經也勸進行者者謂勸進定散諸善及

念佛三昧等也。次九品者。開前三福爲九品。業謂上品上生。中言
慈心不殺者。卽當上世福中。第三之句。次具諸戒行者。卽當上戒
福中。第二之句。具足衆戒。次讀誦大乘者。卽當上行福中。第三句
讀誦大乘。次修行六念者。卽上第三福中。第三句之意也。上品中
生。中言善解義趣等者。卽是上第三福中。第二第三意也。上品下
生。中言深信因果發道心等者。卽是上第三福中。第一第二意也。中
品上生。中言受持五戒等者。卽上第二福中。第二句意也。中品中
生。中言或一日一夜受持八戒齋等者。又同上第二福之意也。中
品下生。中言孝養父母行世仁慈等者。卽上初福中。第一第二句意
也。下品上生者。是十惡罪人也。臨終一念罪滅。得生下品中生者。
是破戒罪人也。臨終聞佛依正功德。罪滅。得生下品下生者。是五
逆罪人也。臨終十念罪滅。得生此之三品。尋常之時。唯造惡業。雖

不_レ求_メ往_ニ生_ヲ臨_ニ終_ノ之_時始_メ遇_テ善_ニ知_識即_ニ得_ニ往_生若_シ准_ニ上_ノ三_福者_{第三}
福_{大乘}意_也定_善散_善大_概如_シ此_文即_云上_來雖_說定_散兩_門之_益是_也次_念佛_者專_稱彌_陀佛_名是_也念_佛義_如常_而今_言正_明
付_屬彌_陀名_號流_通於_遐代_者凡_此經_中既_廣雖_說定_散諸_行
即_以定_散不_令付_屬阿_難流_通後_世唯_以念_佛三_昧一_行即_使付_屬
屬_阿難_流通_遐代_也問_曰何_故以_定散_諸行_而不_付屬_流通_乎若_夫
夫_依業_淺深_嫌不_付屬_三福_業中_有淺_有深_其淺_業者_孝養_父母_奉
事_師長_也其_深業_者具_足衆_戒發_菩提_心深_信因_果讀_誦大_乘
也_須捨_淺業_付屬_深業_若依_觀淺_深嫌_不付_屬十_三觀_中有_淺有_深
其_淺觀_者日_想水_想是_也其_深觀_者始_自地_觀終_于雜_想觀_總
十_一觀_是也_須捨_淺觀_付屬_深觀_就中_第九_觀是_阿彌_陀佛_觀也_即
是_觀佛_三昧_也須_捨十二_觀付_屬觀_佛三_昧也_就中_同疏_玄義

分、中云此經觀佛三昧爲宗亦念佛三昧爲宗既以二行爲一經、宗何廢觀佛三昧而付屬念佛三昧之哉答曰云望佛本願意在衆生一向專稱彌陀佛名定散諸行非本願故不付屬之亦於其中觀佛三昧雖殊勝行非佛本願故不付屬念佛三昧是佛本願故以付屬之言望佛本願者指雙卷經四十八願中第十八願也言一向專稱者指同經三輩之中一向專念也本願之義具如前辨問曰若爾者何故直不說本願念佛行煩說非本願定散諸善乎答曰本願念佛行雙卷經中委既說之故重不說耳又說定散爲顯念佛超過餘善若無定散何顯念佛特秀例如法華秀三說上若無三說何顯法華第一故今定散爲廢而說念佛三昧爲立而說但定散諸善皆用難測凡定善者夫依正之觀懸鏡而照臨往生之願指掌而速疾或一觀之力能祛多劫之罪愆

或具憶之功終得三昧之勝利然則求往生之人宜修行定觀就
中第九眞身觀是觀佛三昧之法也行若成就者即見彌陀身見
彌陀故得見諸佛見諸佛故現前授記此觀利益最甚深也然今
至觀經流通分釋迦如來告命阿難因使付屬流通往生要法嫌
觀佛法尚不付屬阿難選念佛法即以付屬阿難觀佛三昧之法
尚以不付屬何況於日想水想等觀乎然則十三定觀皆以所不
付屬之行也然世人若樂觀佛等不修念佛是遠乖彌陀本願
亦是近違釋尊付屬行者宜商量次散善中有大小持戒行世皆
以爲持戒行者是入眞要也破戒之者不可往生又有菩提心行
人皆以爲菩提心是淨土綱要若無菩提心者即不可往生又有
解第一義行此是理觀也人亦以爲理是佛源離理不可求佛土
若無理觀者不可往生又有讀誦大乘行人皆以爲讀誦大乘經

即可往生。若無讀誦行者，不可往生。就此有二：一者持經，二者持呪。持經者，持般若法華等諸大乘經也。持呪者，持隨求尊勝光明阿彌陀等諸神呪也。凡散善十一人，皆雖貴而於其中。此四箇行當世之人，殊所欲之行也。以此等行，殆抑念佛。情尋經意者，不以此諸行付屬流通。唯以念佛一行，即使付屬流通。後世應知釋尊者，卽是彌陀本願之故也。今又善導和尚所以廢諸行，歸念佛者，卽爲彌陀本願之上。亦是釋尊付屬之行也。故知諸行非機失時。念佛往生當機得時，感應豈唐捐哉。當知隨他之前，覓雖開定散門。隨自之後，還閉定散門。一開以後，永不閉者，唯是念佛一門。彌陀本願釋尊付屬意在此矣。行者應知亦此中。退代者依雙卷經意，遠指末法万年之後，百歲之時也。是則舉遐攝邇也。然者法滅

之後猶以然也何況末法哉末法已然何況正法像法哉故知念
佛往生道通正像末之三時及法滅百歲之時焉

〔第十三 念佛多善根篇〕

以念佛爲多善根以雜善爲少善根之文

阿彌陀經云不可以少善根福德因緣得生彼國舍利弗若有善
男子善女人聞說阿彌陀佛執持名號若一日若二日若三日若四
日若五日若六日若七日一心不亂其人臨命終時阿彌陀佛與諸
聖衆現在其前是人終時心不顛倒卽得往生阿彌陀佛極樂國
土

善導釋此文云極樂無爲涅槃界隨緣雜善恐難生故使如來選要
法教念彌陀專復專七日七夜心無間長時起行倍皆然臨終聖衆
持華現身心踊躍坐金蓮坐時卽得無生忍一念迎將至佛前法侶

將^{モテ}衣^ツ競^ヒ來^テ著^{セシム}證^{シテ}得^ル不^レ退^フ入^ル三^ニ賢^ニ

私^ニ云^ク不^レ可^ト以^ハ少^ク善^ク根^ク福^ク德^ク因^テ緣^ツ得^ル生^{コト}彼^ノ國^ニ者^ハ諸^ノ餘^ノ雜^ノ行^者難^シ生^シ彼^ノ國^ニ故^ニ云^フ隨^フ緣^ノ雜^ク善^ク恐^ク難^ト生^シ少^ク善^ク根^者對^{スル}多^ク善^ク根^ノ之^レ言^{ナリ}也^ハ然^レ則^ハ雜^ク善^ハ是^レ少^ク善^ク根^也念^フ佛^ハ是^レ多^ク善^ク根^也故^ニ龍^ノ舒^ノ淨^ノ土^ニ文^ニ云^ク襄^陽石^刻阿^彌陀^經乃^チ隋^ノ陳^仁稜^所書^ル字^畫清^婉人^多慕^玩自^一心^不亂^而下^云專^ラ持^ス名^號以^レ稱^ス名^故諸^ノ罪^消滅^卽是^レ多^ク善^ク根^福德^因緣^今世^傳本^脫此^二十^一字^上已^非啻^有多^少義^亦有^二大^小義^謂雜^善是^レ小^善根^也念^フ佛^ハ是^レ大^善根^也亦^有勝^劣義^謂雜^善是^レ劣^善根^也念^フ佛^ハ是^レ勝^善根^也其^レ義^應知^ル

〔第十四 六方諸佛唯證誠念佛篇〕

六^方恆^沙諸^佛不^レ證^誠餘^行唯^證誠^念佛^之文

善^導觀^念法^門云^ク又^如彌^陀經^云六^方各^有恆^河沙^等諸^佛皆^舒

舌遍覆三千世界說誠實言若佛在世若佛滅後一切造罪凡夫但
迴心念阿彌陀佛願生淨土上盡百年下至七日一日十聲三聲一
聲等命欲終時佛與聖衆自來迎接即得往生如上六方等佛舒舌
定爲凡夫作證罪滅得生若不依此證得生者六方諸佛舒舌
一出口已後終不還入口自然壞爛
同往生禮讚引阿彌陀經云東方如恆河沙等諸佛南西北方及上
下一一方如恆河沙等諸佛各於本國出其舌相遍覆三千大千世
界說誠實言汝等衆生皆應信是一切諸佛所護念經云何名護念
若有衆生稱念阿彌陀佛若七日及一日下至十聲乃至一聲一念
等必得往生證誠此事故名護念經
又云六方如來舒舌證專稱名號至西方到彼華開闡妙法十地願
行自然彰

同觀經疏引阿彌陀經云又十方佛等恐畏衆生不信釋迦一佛所說卽共同心同時各出舌相遍覆三千世界說誠實言汝等衆生皆應信是釋迦所說所讚所證一切凡夫不問罪福多少時節久近但能上盡百年下至一日七日一心專念彌陀名號定得往生必無疑也

同法事讚云心心念佛莫生疑六方如來證不虛三業專心無雜亂百寶蓮華應時見

法照禪師淨土五會法事讚云萬行之中爲急要迅速無過淨土門不但本師金口說十方諸佛共傳證

私問曰何故六方諸佛證誠唯局念佛一行乎答曰若依善導意念佛是彌陀本願也故證誠之餘行不爾故無之也問曰若依本願證誠念佛者雙卷觀經等說念佛之時何不證誠乎答曰解有

二義一解云雙卷觀經等中雖說本願念佛兼明餘行故不證誠
此經中一向純說念佛故證誠之二解云彼雙卷等中雖無證誠
之言此經已有證誠例此思彼於彼等經中所說念佛亦應有證
誠之義文雖在此經義通於彼經故天台十疑論云又阿彌陀經
大無量壽經鼓音聲陀羅尼經等云釋迦佛說此經時皆有十方
世界各恆沙諸佛舒其舌相遍覆三千世界證誠一切衆生念阿
彌陀佛乘佛大悲本願力故決定得生極樂世界

〔第十五 六方諸佛護念篇〕

六方諸佛護念念佛行者之文

觀念法門云又如彌陀經說若有男子女人七日七夜及盡一生一
心專念阿彌陀佛願往生者此人常得六方恆河沙等佛共來護念
故名護念經護念經意者亦不令諸惡鬼神得便亦無橫病橫死橫

有_{コト}厄難一切灾郭自然消散除_ニ不至心_一
往生禮讚云若稱_レ佛往生者常爲_ニ六方恆河沙等諸佛之所_ニ護念_セ故
名_ヲ護念經_ト今既有_ニ此增上誓願_ノ可憑_ム諸佛子等何_ソ不_ニ勵意_{去_ラ}也
私問曰唯有_ニ六方_ノ如來_ノ護念_{スルヤ}行者如何答曰不限_ニ六方_ノ如來_ニ彌陀
觀音等亦來_テ護念_{シタマフニ}故往生禮讚云十往生經云若有_ニ衆生念_{シテ}阿彌
陀佛願_ニ往生_者彼佛即遣_ニ二十五菩薩擁護_{セシム}行者若行若坐若住
若臥若晝若夜一切時一切處不_レ令_ニ惡鬼惡神得_ニ其便_也又如_ニ觀
經云若稱_レ禮念_{シテ}阿彌陀佛願_ニ往生_{彼國者}彼佛即遣_ニ無數化佛無
數_ノ化觀音勢至菩薩護念_ス行者復與_ニ前二十五菩薩等_ト百重千重
圍_{シテ}遶行者不_レ問_ニ行住坐臥一切時處_ノ若晝若夜常不_レ離_レ行者今既
有_ニ斯勝益_ノ可憑_ム願_ハ諸行者各須_ニ至心_ノ求往_又觀念法門云又如_ニ觀
經_ノ下文若_レ有人至心常念_ニ阿彌陀佛及二菩薩_ノ觀音勢至常與_ニ行

人作勝友知識隨逐影護又云又如般舟三昧經行品中說云佛言若人專行此念彌陀佛三昧者常得一切諸天及四天王龍神八部隨逐影護愛樂相見永無諸惡鬼神灾郭厄難橫加惱亂具如護持品中說又云除入三昧道場日別念彌陀佛一萬畢命相續者即蒙彌陀加念得除罪障又蒙佛與聖衆常來護念上

〔第十六 以彌陀名號付屬舍利弗篇〕

釋迦如來以彌陀名號慇懃付屬舍利弗等之文

阿彌陀經云佛說此經已舍利弗及諸比丘一切世間天人阿脩羅等聞佛所說歡喜信受作禮而去

善導法事讚釋此文云世尊說法時將了慇懃付屬彌陀名五濁增時多疑謗道俗相嫌不用聞見有修行起瞋毒方便破壞競生怨如

此、生、盲、闡、提、輩、毀、滅、頓、教、永、沈、淪、超、過、大、地、微、塵、劫、未、可、得、離、三、途、身、大、衆、同、心、皆、懺、悔、所、有、破、法、罪、因、緣、

私云凡案三經意諸行之中選擇念佛以爲旨歸先雙卷經中有
三選擇一選擇本願二選擇讚歎三選擇留教一選擇本願者念
佛是法藏比丘於二百一十億之中所選擇往生之行也細旨見
上故云選擇本願也二選擇讚歎者上三輩中雖舉菩提心等餘
行釋迦卽不讚歎餘行唯於念佛而讚歎云無上功德故云選擇
讚歎也三選擇留教者又上雖舉餘行諸善釋迦選擇唯留念佛
一法故云選擇留教也次觀經中又有三選擇一選擇攝取二選
擇化讚三選擇付屬一選擇攝取者觀經之中雖說定散諸行彌
陀光明唯照念佛衆生攝取不捨故云選擇攝取也二選擇化讚
者下品上生人雖有聞經稱佛二行彌陀化佛選擇念佛云汝稱

佛名故諸罪消滅我來迎汝故云選擇化讚也三選擇付屬者又雖明定散諸行唯獨付屬念佛一行故云選擇付屬也次阿彌陀經中有一選擇所謂選擇證誠也已於諸經中多雖說往生之諸行六方諸佛於彼諸行而不證誠至此經中說念佛往生六方恆沙諸佛各舒舌覆大千說誠實語而證誠之故云選擇證誠也加之般舟三昧經中又有一選擇所謂選擇我名也彌陀自說言欲來生我國者常念我名莫令休息故云選擇我名也本願攝取我名化讚此之四者是彌陀選擇也讚歎留教付屬此之三者是釋迦選擇也證誠者六方恆沙諸佛之選擇也然則釋迦彌陀及十方各恆沙等諸佛同心選擇念佛一行餘行不爾故知三經共選念佛以爲宗旨致耳計也夫速欲離生死二種勝法中且闍聖道門選入淨土門欲入淨土門正雜二行中且拋諸雜行選應歸正行

欲^ハ修^セ於^ト正行^ヲ正助^ニ二業^ノ中^ニ猶^ツ傍^ニ於^テ助業^ヲ選^テ應^シ專^ニ正定^ヲ正定^ノ之業^ト者
卽^レ是^レ稱^ス佛^ノ名^ヲ稱^ス名^ヲ必^ズ得^ル生^{コトヲ}依^ル佛^ノ本願^ニ故^{ナリ}問^ク曰^ク華嚴[・]天台[・]眞言[・]禪門[・]
三論[・]法相[・]諸師^ノ各造^ル淨土^ノ法門^ノ章疏^ヲ何^ソ不^レ依^ラ彼^ノ等^ノ師^ニ唯^ル用^ル善導^一
師^ヲ乎^テ答^ク曰^ク彼^ノ等^ノ諸師^ノ各皆^{トモ}雖^レ造^ト淨土^ノ章疏^ヲ而^モ不^レ以^テ淨土^ヲ爲^ス宗^ト唯^ニ
聖道^ニ而爲^ス其宗^ト故^ニ不^レ依^ラ彼^ノ等^ノ諸師^ニ也^ニ善導^ノ和尙^ハ偏^ニ以^テ淨土^ヲ而爲^ス宗^ト
而^モ不^レ以^テ聖道^ヲ爲^ス宗^ト故^ニ偏^ニ依^ル善導^一師^ニ也^ニ問^ク曰^ク淨土^ノ祖師^ノ其數^ハ又多^シ
謂^ク弘法[・]寺迦[・]才慈[・]愍三[・]藏等^ノ是^{ナリ}也^ニ何^ソ不^レ依^ラ彼^ノ等^ノ諸師^ニ唯^ル用^ル善導^一
師^ヲ哉^テ答^ク曰^ク此等^ノ諸師^ノ雖^{トモ}宗^ト淨土^ニ未^ダ發^サ三昧^ヲ善導^ノ和尙^ハ是^レ三昧^ヲ發^得
之^{ナリ}也^ニ於^テ道^ニ既^ニ有^リ其證^ニ故^ニ且^ク用^ユ之^ヲ問^ク曰^ク若^シ依^ラ三昧^ヲ發^得者^ハ懷感^ス禪
師^モ亦是^モ三昧^ヲ發^得之^{ナリ}也^ニ何^ソ不^レ用^ル之^ヲ答^ク曰^ク善導^ノ是^レ師^{ナリ}也^ニ懷感^ス是^レ弟
子^{ナリ}也^ニ故^ニ依^テ師^ニ不^レ依^ラ弟子^ニ也^ニ況^ヤ師^ノ資^ノ之^ヲ釋^ク其相違^ハ甚^ダ多^シ故^ニ不^レ用^ル之^ヲ問^ク
曰^ク若^シ依^テ師^ニ不^レ依^ラ弟子^ニ者^ハ道綽[・]禪師^ノ者^ハ是^レ善導^ノ和尙^ノ之^{ナリ}師^也抑^{ナリ}又^ク淨

土祖師也何不用之答曰道綽禪師者是雖師未發三昧故自不知往生得否問善導曰道綽念佛得往生否導令辨一莖蓮華置之佛前行道七日花不萎悴卽得往生依之七日果然花不萎黃綽歎其深詣因請入定觀當得生否導卽入定須臾報曰師當懺三罪方可往生一者師嘗安佛像在簷牖下自處深房二者驅使策役出家人三者營造屋宇損傷蟲命師宜於十方佛前懺第一罪於四方僧前懺第二罪於一切衆生前懺第三罪綽公靜思往咎皆曰不虛於是洗心悔謝訖而見導卽曰師罪滅矣後當有白光照燭是師往生之相也已上新修往生傳爰知善導和尚者行發三昧力堪師位解行非凡將是曉矣況又時人諺曰佛法東行已來未有禪師盛德矣絕倫之譽不可得而稱者歟加之條錄觀經文疏之刻頗感靈瑞屢預聖化旣蒙聖冥加然造經科文舉世而稱

證定疏人貴之如佛經法卽彼疏第四卷奧云敬白一切有緣知識等余既是生死凡夫智慧淺短然佛教幽微不敢輒生異解遂卽標心結願請求靈驗方可造心南無歸命盡虛空遍法界一切三寶釋迦牟尼佛阿彌陀佛觀音勢至彼土諸菩薩大海衆及一切莊嚴相等某今欲出此觀經要義楷定古今若稱三世諸佛釋迦佛阿彌陀佛等大悲願意者願於夢中得見如上所願一切境界諸相於佛像前結願已日別誦阿彌陀經三遍念阿彌陀佛三萬遍至心發願卽於當夜見西方空中如上諸相境界悉皆顯現雜色寶山百重千重種種光明下照於地如金色中有諸佛菩薩或坐或立或語或嘿或動身手或住不動者既見此相合掌立觀量久乃覺覺已不勝欣喜於卽條錄義門自此已後每夜夢中常有一僧而來指授玄義科文既了更不復見後時脫本竟已復

更至心要期七日日別誦阿彌陀經十遍念阿彌陀佛三萬遍初
夜後夜觀想彼佛國土莊嚴等相誠心歸命一如上法當夜即見
三具磔輪道邊獨轉忽有一人乘白駱駝來前見勸師當努力決
定往生莫作退轉此界穢惡多苦不勞貪樂答言大蒙賢者好心
視誨某畢命爲期不敢生於懈怠之心云第二夜見阿彌陀佛身
眞金色在七寶樹下金蓮華上坐十僧圍遶亦各坐一寶樹下佛
樹上乃有天衣挂遶正面向西合掌坐觀第三夜見兩幢杆極大
高顯幡懸五色道路縱橫人觀無礙既得此相已即便休止不至
七日上來所有靈相者本心爲物不爲己身既蒙此相不敢隱藏
謹以申呈義後被聞於末代願使含靈聞之生信有識觀者西歸
以此功德迴施衆生悉發菩提心慈心相向佛眼相看菩提眷屬
作眞善知識同歸淨國共成佛道此義已請證定竟一句一字不

可_ニ加_ス減_ス欲_ス寫_{ント}者_ハ一_ラ如_ク經_法應_ニ知_ル上_已

靜_ニ以_レ善_導觀_レ經_疏者_ハ是_ニ西_方指_南行_者目_足也_{ナリ}然_ハ則_ニ西_方行_人必_ス
須_ク珍_敬矣_ス就_レ中_毎夜_夢中_ニ有_テ僧_指授_ス玄_義僧_者恐_ク是_ニ彌_陀應_現爾_ハ
者_ハ可_レ謂_シ此_疏是_ニ彌_陀傳_說何_況大_唐相_傳云_ク善_導是_ニ彌_陀化_身也_{ナリト}
爾_者可_レ謂_シ又_レ此_文是_ニ彌_陀直_說既_ニ云_ク欲_ス寫_者一_ラ如_ク經_法此_言誠_乎
仰_討本_地者_ハ四_十八_願之_法王_也十_劫正_覺之_唱有_レ憑_ニ于_念佛_俯
訪_ニ垂_迹者_ハ專_修念_佛之_導師_也三_昧正_受之_語無_レ疑_ニ于_往生_本迹_ニ
雖_ト異_{ナリト}化_道是_レ一_{ナリ}也_於是_ニ貧_道昔_披閱_茲典_粗識_リ素_意立_レ舍_餘行_云
歸_ス念_佛自_レ其_已來_至于_{今日}自_行化_他唯_緯念_佛然_ル間_希問_津者_ハ
示_シ以_ニ西_方通_津適_尋行_者誨_以念_佛別_行信_之者_ハ多_ク不_レ信_者尠_當
知_ル淨_土之_教叩_ニ時_機而_當行_運也_念佛_之行_感水_月而_得昇_降也_{ナリ}
而_今不_レ圖_蒙仰_辭謝_無地_仍今_愁集_念佛_要文_剩述_念佛_要義_唯

顧_テ命_ヲ旨_ヲ不_レ顧_ニ不_レ敏_ニ是_レ即_チ無_ク慚_ム無_ク愧_ム之_ヲ甚_{ナリ}也庶_レ幾_{クハ}一_ヒ經_テ高_ク覽_ツ之_ヲ後_ニ埋_テ
于_レ壁_ニ底_ニ莫_レ遺_{コト}窻_ニ前_ニ恐_{クハ}令_{メン}破_{コト}法_ヲ之_ヲ人_ヲ墮_セ於_レ惡_ニ道_ニ也

選擇本願念佛集

